

遼陽縣志

戊辰夏  
比頌

## 兵事志卷二十一

自昔遼東爲用武之地唐宋以上旋得旋棄兵制未詳迄後歷代力征經營凡保有茲土靡不籌守戰之備以鞏固邊疆故或爲京爲府爲衛清始置州縣民國仍改爲縣減兵備而修民治國防重地遂不在此不過設警察抽保甲以維持邑內治安而已然歷來兵備與戰爭事蹟亦得失之林考古者所必及也爰述兵事志第二十一

遼 遼建國二百餘年幾無歲不用兵故治軍之制特詳遼陽路諸司以之控扼高麗兵備尤重遼志載邊境戍兵東京沿女真界至鴨綠江軍堡凡七十各守軍二十人計正兵一千四百屬境內安廣軍白巖軍皆戍兵也遼陽府遼陽縣丁三千仙鄉縣丁三千鶴野縣丁一千四百興遼陽丁二千皆鄉兵也凡人十五以下五十以上皆隸兵籍正兵一名馬三匹打草穀守營鋪家丁各一人人鐵甲九事馬轡韉馬甲皮鐵視其力弓四箭四百長短鎗鎗鏃斧鉞小旗鎚錐火刀石馬孟紗一斗紗袋搭鈺傘各一縻馬繩二百尺皆自備凡兵機掌於北樞密院

金 金初凡邊境置兵之州三十八改置於要州者十一東京其一也太宗天會十年改南路都統司爲東南路都統司治東京以鎮高麗每司統五六萬人其始以三百戶爲穆昆十爲猛安猛安上爲軍帥軍帥上爲萬戶萬戶上爲都統行軍時屬大元帥平時隸樞密院天會五年伐宋調遼陽東民兵熙宗天眷三年詔歲給遼東戍卒紬絹有差厥後光元二年以兵額缺少並籍遼東客戶爲軍 按史稱金興時用兵如神曾未十年遂定大業平遼東故遼人嘗言金兵滿萬則不可敵乃始以國人尙少兼用漢人後罷遼東渤海漢人之襲職兵柄漸歸內族馴致宗族猜疑自相戕賊則處置未善也

元 元初遼陽置東京總管府旋設行中書省復改東京爲遼陽路當時重兵鎮守不限於今之縣境可知也至元十二年遣官僉揀遼東蒙古達魯齊千戶百戶子弟皆出軍兵制男子十五歲至七十歲僉爲兵十人爲牌上馬則戰鬪下馬則屯聚牧養十九年僉發漸丁凡幼孩稍長曰漸丁家二丁以上存一人餘皆充軍二十年行省造新附軍籍册二十九年以咸平東京所屯新附兵五百增戍女真地其遼東之亂軍不出戍他

方是爲鄉兵。按元時兵屯初無定向，又以兵籍爲重務，漢人不悉其數，多寡不可得。詳故史志從略。

明 洪武元年立軍衛法，大率以五千六百人爲一衛，千一百二十八人爲一千戶，所百十二人爲一百戶，所每百戶設總旗名小旗十名，大小聯比以成軍。乃置遼東都司統衛二十五所，十八其都指揮使司所轄，定遼五衛，即今遼陽地也。都指揮使司凡十三，遼東居其一，隸於大都督。自十七年命將覈遼東定遼九衛官軍，是後歲遣公侯較沿邊土馬以籍，上於以定逃軍降罰之令。天下軍丁令習匠藝，永樂初更定衛所屯田軍士，又免衛所軍士原籍戶下一丁，其兵制大致如此，詳列於左。

遼陽城副總兵地方官軍一萬七千四百五十八員名，迤東撫順在內本城官軍四千六百二十員名。

迤西長安堡等處墩臺障塞操守官軍一千六百三十六員名，計邊臺五十一座，瞭守官軍二百五員名，長靜堡官軍三百員名，管長鴉泊月河夾河等九處墩臺長寧堡三



百員名管舊白羊鴨子泊喜鵲窩等十三處墩臺長定堡四百一員名管孫家莊北水口菱角泊等十四處墩臺長安堡原額官軍四百二十員名嘉靖四十年添兵馬五百名管虎北臺團灣兒黃泥窪河南北岸十五處墩臺

長勇堡等處墩臺障寨操守官軍一千九百五十八員名計邊臺四十二座瞭守官軍二百一十員名長勝堡官軍四百九十五員名管北界楊家灣北古城刺魚塌等十三處墩臺長勇堡原額官軍六百三十四員名嘉靖四十年添兵馬五百名管馬鞍山沙河沙塌龍灣等十三處墩臺長營堡六百十九員名管馬鞍山北沙嶺南北靜寧等十六處墩臺武靖營堡奉集堡以上二堡係腹裏無邊墩

二堡現  
在藩界

腹裏接火臺七座瞭守官

軍三十員名各堡有警遼陽兵馬可爲策應

障寨 自東勝堡

海州境

界至瀋陽靖遠堡界止土牆一道計一百七十里嘉靖三十六

七年大水坍塌四十四年巡按御史李輔題請修築

按明初畢恭守遼東始踐山因河編木爲垣以扞外夷久之乃易以版築而墩臺城堡

稍稍添置論者謂其能不下於蒙恬然施之於今不足以資守備也

遼東都司定遼中等二十五衛安樂自在二州招集馬軍七萬三百十八步軍三萬七千四百九十五屯軍一萬八千六百三鹽軍一千一百七十四鐵軍一千五百四十八此係都司所統全數其屬在遼陽兵數列左

定遼中衛 馬軍一千四百四十步軍七百九十屯軍一千一百十九鹽軍五十一鐵軍三十九

定遼左衛 馬軍一千三百三十步軍一千五百九十一屯軍一千二百七十二鹽軍六十三鐵軍一百十八

定遼右衛 馬軍一千三百二步軍一千一百六十七屯軍九百九十一鹽軍五十三鐵軍一百三十二

定遼前衛 馬軍一千三百五十五步軍八百八十六屯軍一千四十一鹽軍七十鐵軍九十

定遼後衛 馬軍一千四百九十七步軍八百四十二屯軍一千三百三十五鹽軍七十一鐵軍一百十七

東寧衛 馬軍二千四百八步軍二百三十二屯軍四百九十四鹽軍四十八鐵軍七十

遼陽招集馬軍六千五百五十一 按明代遼東之軍大率十之八備操十之二供屯種鹽鐵之務其初軍儲充足在操者又有幫丁嘉靖以後死徙殆半屯種荒蕪鹽鐵逋負在操者貧苦不堪尺籍雖存而按其數不能十之六七觀其經畧諸條奏可以知之矣其季世不振宜哉

軍器 明初遼東都司各衛歲造頓頂盔頂甲腰刀弓連弦箭撒袋圓牌各若干嘉靖時不用圓牌時論或以圓牌雜於五兵可以護身殺敵滾舞有法刀刃隨之上砍人身下砍馬足且可以驚避虜馬不宜廢置蓋其時火器未甚發明僅有粗笨礮銃故沿用弓箭圓牌等器清初以迄同治光緒間盛京長勝捷勝等營雜技隊尙用圓牌各物時

使然也明定遼中前後東寧四衛每衛歲用頓頂盔一百六十頂甲一百二十副腰刀一百六十把弓連弦八十張箭四千八百枝撒袋八十副定遼左右二衛每衛盔甲各器各視四衛之半數

火器

遼陽原發銅大將軍

也

四二將軍四三將軍四銅碗口銃一百一十一銅佛郎

機三十七又一百九十六神鎗二百九十六快鎗三百二十洎嘉靖丙午巡按張鐸鑄九龍礮甲子巡撫王之誥造連珠鎗一容十子十發百彈乙丑巡按李輔製千里銃形勢簡迅一發洞中皆發各衛應用此當時利器也

糧賞

旗軍每名月支米一石千戶以下每官月支米二石指揮以上每官月支米三

石閏各照支每歲上六月支米下六月折銀每石折銀二錢五分遇歲歉加折或倍之旗軍月支外有年賞綿布折銀九錢鐵鹽屯軍同官員月支外各照品級石數折鈔每石折鈔銀四分五釐是爲俸銀守哨墩軍出哨夜不收歲頒給衣鞋公差廩米客兵糧料各因職務大小戍守遠近以爲豐減操馬春支料豆日三升冬支折色豆一斗折銀

二分草日支一束驛馬准是驢頭有差 按全遼兵額共計官軍九萬八千三百五十一員名數不爲少迄明之季馭失其道撫之少恩內官監軍動多牽制遂致有名無實兵不爲用矣

馬政 明時遼東馬政掌之於太僕苑馬二寺太僕寺設自洪武年間專司提督點視孳生馬匹歲久籍湮將操馬點閘印烙孳生等事漫不相關僅掌閫鎮官軍操馬嘉靖十六年前扣計五萬五千餘匹二十年扣計六萬七千餘匹四十年後扣計七萬三百餘匹按照會典原額四十萬匹計扣五之一矣雖四十兩月奉勅按行營衛點視瘦損責令喂養倒失責限賠償究之因苦累而拖欠或舞弊而影射終未恢復原額苑馬寺設於永樂四年轄昇平新呂遼河長安市永寧六監每監各屬四苑共二十四苑後裁存永寧一監清河深河二苑原額恩軍四百六十戶草場地五千二百六十一頃嘉靖丁酉寺卿馮時雍點視二苑見牧兒騾種馬并駒騾僅二千九百二十七乃擬定兒騾種馬兩苑以四千爲額各戶軍餘五人共攢一槽領養騾馬四兒馬一倒失虧駒賠



補 按明代馬政付之於官地方應用或取之於民或將種馬補充其弊可勝言哉

清 順治元年以興京城守官丹達禮爲遼陽城守尉設滿漢佐領各一統兵駐防尋改設滿洲八旗防禦八驍騎校七巴爾虎佐領驍騎校各一蒙古驍騎校一領催共五十四驍騎四百九十九守倉庫兵十一鐵匠九名康熙十九年撥五十名兵往駐金州二十六年增兵八百名三十年裁二百四十名三十一年增巴爾虎兵五十五名三十三年又裁五十六名尋又裁兵百五十一名增錫伯兵三百四十七名又裁原兵四十名增錫伯兵四十五名又撥往馬廠兵二十名雍正十年增設六十六名乾隆二十九年撥防禦一驍騎校二兵六十六往駐西域塔爾巴哈臺又裁兵十二名翌年增設兵五十九名尋又移裁七十三名厥後撥往鳳凰城海龍等駐防兵數日減咸同之間時或他調光緒以後旗兵不可用至民國全數取消 按清初全盛之時歷定有軍令條約並申定軍律頒行軍紀律及議叙法至詳且備而八旗防兵月習射六次春秋合操擐甲習騎射兼習鳥槍三年考驗甄別一次故士馬精強緩急可恃洎承平日久官兵習

於玩愒器械朽敝老且衰者仍例領糧而不退伍未流之不振不亦宜乎

### 附歷代兵戰

燕秦之戰

始皇二十年燕太子丹遣荆軻刺秦不中秦益發兵伐燕拔薊城燕王喜率兵保遼東秦將李信追擊益急燕殺丹欲獻秦以說秦復進攻虜王喜

漢及朝鮮之戰

盧綰爲燕王朝鮮王準與燕界於涓水及綰叛滅燕人衛滿亡命東渡涓水降準準封以百里使守西邊滿誘亡黨稍多乃詐告準言漢兵十道至求入宿衛遂還攻準準走入海居韓地滿遂據朝鮮保遼東稱臣至孫右渠抗命武帝元封三年伐之楊僕將齊兵先至荀彘將燕代卒破其軍於涓水進攻平壤僕亦往會數月不下朝鮮使人約降於僕彘疑僕與朝鮮私善未敢發帝以兩將乖異兵久不決使太守公孫遂正之遂執僕還報彘擊朝鮮益急朝鮮殺其王以降武帝以其地爲樂浪臨屯玄菟眞番四郡

魏滅公孫淵之戰

公孫淵據遼東稱燕王改元紹漢幽州刺史母丘儉率兵擊之戰於

遼隊不利引還次年魏使司馬懿將兵四萬討之淵令卑衍等將兵數萬屯遼隊圍塹二十餘里懿潛師直搗襄平秋大霖雨平地水深數尺或勸移營懿不聽晝夜攻之城潰淵與子修突圍出皆被禽遼東平

晉慕容氏之戰 晉太康四年慕容涉歸卒弟耐篡立謀殺慕容廆時廆年十五出避難追者急乃走匿於遼東徐郁家入室以席自障追者至入室竟無所見五年國人殺耐迎廆立之咸和九年慕容仁自平郭趨新昌都護王寓擊走之入襄平時慕容皝與仁相攻不下後並居就皆降

隋征高麗之戰 隋大業中征遼東兵分二十四道爲左右軍車駕度遼大戰於東岸破之遂進圍遼東其後高麗王元乞降乃旋師

唐征高麗之戰 貞觀十八年以張亮李勣爲遼東道行軍大總管伐高麗十九年勣趨遼東潛師自通定濟遼水拔蓋牟進圍遼東城車駕至遼澤泥淖二百里敷土作橋以渡及至勣已攻城二十日帝引兵共圍縱火登陴乃克之夏六月下白巖進攻安市城

高麗北部耨薩延壽惠真率兵救之龍門人薛仁貴著白衣大呼陷陣所向無敵大軍乘之高麗兵潰延壽等降乃詔班師

遼滅大延琳 聖宗太平九年大延琳以東京叛使人說總渤海軍夏行美行美執之復殺其黨延琳因囚東京留守蕭紹先殺戶部使韓紹勛僭號興遼改元天慶遼主以蕭孝穆爲都統討之戰於蒲水中軍稍却副部署蕭匹敵都監蕭蒲奴以兩翼夾擊賊潰追敗之於手山北延琳走入城深溝自衛孝穆圍之築重城起樓櫓使內外不相通城中撤屋以爨其將楊世祥縛延琳以降遼東悉平

蒙古攻金東京 元太祖七年壬申哲伯吾也爾等攻金東京不拔即引去夜馳還襲克之

### 金元之戰

金宣宗貞祐元年北邊千戶耶律瑠格以係遼族見疑遂叛遁至隆安

即黃龍府地

糾衆募兵衆至十餘萬羣推瑠格爲元帥營帳百里威振遼東時元兵討女真行至遼與瑠格盟誓會討金遣和碩

原作胡沙譯改

率兵六十萬來攻瑠格拒敗之金復遣布希萬努領

兵四十萬攻之又大潰萬努收兵奔東京瑠格旋破東京於是盡有遼東州郡自號爲遼王後復降元

元納延之叛

元諸王納延

原作乃  
顏譯改

鎮遼東有異志至元二十三年叛擁衆號十萬元主自

將圍之納延不出司農特格曰當以疑兵退之元主張蓋坐胡牀進酒塔布台按兵不敢進李庭曰夜當遁耳乃引壯士抱火礮夜入其陣礮發果潰納延敗走追執之

紅巾賊之亂 至正十九年紅巾賊作亂韓林兒者其先世以白蓮教燒香惑衆謫徙永平其父韓山童詭稱係宋徽宗八世孫當主中國起兵以紅巾爲號至是其黨關先生率衆陷上京焚宮闕遂逼遼陽適廣寧路總管郭嘉巡邏城外遇青號隊五百人詭言官軍嘉疑其詐俄果脫青衣變紅分兵兩隊夾攻賊殺甚衆頃之賊衆至圍城有呼者曰遼陽我得矣何不出降嘉射之中其左頰墜馬死賊少却嘉開西門逐之力戰死秋七月以遼陽賊勢張起中書右丞綽斯戡平章佛嘉努額森布哈知樞密院事赫魯

黑驢

譯改

等統領特默齊軍進征遼陽賊掠遼陽轉至高麗復由遼陽入蓋州

原作



元侵遼東 洪武八年明已取遼陽以元納克楚兵必攻遼預勒馬雲葉旺爲備未幾果至見預備嚴不敢攻越蓋州趣金州旺先移兵柞河緣河結冰爲城沃以水旁設阮阱敵至伏起衆潰雲亦出城合兵追擊敗之納克楚僅以身免

明清之戰 清天命六年已拔瀋陽遂趨遼陽明遼東經略袁應泰盡撤奉集咸寧諸軍併力守城引水注濠環列火器自督總兵官侯世祿李秉誠梁仲善姜弼朱萬良出城五里迎戰軍敗多死始歛兵登陴以守明日清兵塞其水源洩其西閘奪橋先布楯車護之右翼運土壅水畢遂渡濠鏖戰左翼冒險登城據其一隅城中大亂諸監司牛維曜胡嘉棟督餉傅國等皆踰城走民家多啓扉以待蓋降人導之也是夜明兵猶列炬拒戰達旦應泰自焚死方遼陽圍急應泰命御史張銓退保河西以圖再舉不從三日城破死之張神功奉命援遼由廣寧疾馳渡河而東至首山孤軍戰死羅一貫爲遼東參將憑城固守矢石俱盡都司陳尙仁王崇信皆死之於是遼河以東大小城堡七十餘所皆爲清佔領明以應泰代熊廷弼不知其敏練吏事而無將才也

土匪之亂 同治四年冬奉天盜賊橫行遼爲瀋陽門戶尤爲賊所覬覦盛京將軍恩和派員往金州招降馬俊子康得山等率衆赴省就撫知州張鼎鏞恐有變不許賊入州城在城外發給降隊口糧並於要地設防迨降隊入省旬日果叛鼓衆劫獄地方幾爲所陷惟遼城有備匪西南竄旋折回被鄉團抵禦官兵復追擊之乃散去六年夏突有邪匪神槍趙錫百習丁甲之術剪紙爲兵馬謠傳謂真人將出由邑北旛杆堡糾黨五六百人攻城至北門術敗知州張一面派兵民登陴守一面出城擊之立擒匪首十數名正法餘逃散

甲午之役 光緒二十年甲午日人犯海城侵遼陽南境知州徐慶璋募馬步十三營與黑龍江將軍依克唐阿吉林將軍長順及樺樹溝韓登舉合兵禦之前綫由千山西至鞍山迄太子河小河口東西六十里第二防禦綫由判甲鑪西至沙河以至城昂堡劉二堡一帶後路在城附近各處所有軍事設備均未完善日軍大島義昌據鞍山南海界等地相持數月彼此偵探互有所獲勢甚岌岌越年正月和議成地方始安

吉洞峪鄉團禦日軍

方日人陷海城時官軍退守鞍山而千山以東防綫鄉團任之日人自大孤山登陸陷岫巖欲間道犯遼陽吉洞峪練總徐珍集鄉勇各持抬槍鳥銃在峪南韓家嶺宋家嶺等處扼守日兵數千來窺甫上嶺輒擊之斃數人遂不敢進各鄉勇畫張旗幟夜燃火把出沒往來虛實兼用一日鉦鼓大作日人數百騎馳至令鄉勇俱伏俟至近發銃齊擊却退徐練總曰寇且大至宜避之炊時果以巨礮來向前設伏處擊之許久林煙石火而衆無恙至是日軍不復至相持月餘日乃分軍赴海城及甲辰日俄戰日將軍某過吉洞峪猶指徐宅曰此甲午時與之對壘者也

拳匪之亂

庚子夏六月拳匪起下等社會幼壯男女託鬼神名自稱扶清滅洋紅黃巾衣徧地若狂持刀跳躑不畏槍礮久之焚教堂殺教民毀鐵路之橋燎原之勢不可撲滅知州陳衍庶初則保護俄官繼則不遑自保斬翼長昌且寵用之月餘召來俄寇由旅順北趨至鞍山兵匪皆潰無應敵者閏八月五日俄兵遂入城

勦撫盜匪

拳匪亂後盜賊繼起其時外兵在境官府無兵不能勦捕南路鄉團素稱完

整地方資爲保障城陷後有洪匪某率拳匪餘孽及土匪百數十人竄入荒溝本溪楊二虎擾鄰境下馬塘皆經徐練總撲滅之有少數土匪發輒擒獲不可悉數庚子九月遼海新廣四縣士紳劉孝廉春煥德孝廉彬馮庶常紹唐奉盛京將軍增諭設招撫團局十六東八局在遼海境推馮麟閣爲總練長四縣匪皆就撫否則勦之時有匪首志朗軒入大駱駝背馮練聞警馳至繳其械解散之使歸農印蘭亭費錫武等攻劉二堡退却復聚大股擬再攻掠遣人招諭圍乃解而十一老疙疸者皆强悍凶很竄入劉二堡西小西地馮揀長帶勇圍擊殲其衆僅由河水潛逃一名山東幫朱子榮約百人已就撫矣仍行姦盜馮練以檢閱爲名至即縛之斃數人餘解散羣盜由是稍戢辛丑歲撫團解散西路小台子胡觀察魁福北路朱孝廉集成與前後知州馬俊顯沈金鑑議僉以爲匪衆不可勝誅宜以匪治匪擇其中強健稍知事理者加以委任輔之以什伍申之以約束積年餘剷除要犯各以十數計厥後九隻手入莊河李大屯韓樂子入大紙房綁票入東山裏歷經游擊保甲合勦匪乃遠竄不知所終計前後匪患蓋七八

年矣

日俄之戰 光緒三十年甲辰日俄之爭中國居中立地位而遼東受其蹂躪遼陽尤其  
蓋鴨綠江大石橋大高嶺等處猶各以一軍繳戰獨於遼陽以兩國五十餘萬人之全  
軍戰綫延袤一百八九十里時歷十晝夜其間奮戰日軍由各地並起約分爲左右翼  
中軍三大段

自日本第二軍入大石橋大孤山軍入析木城海城俄兵腹背受敵故退保鞍山自日  
本第一軍奪榆樹林樣子嶺遼陽之俄兵有後顧之憂故退踞湯河沿安平日軍聯絡  
一氣得以進逼遼陽乃以一軍爲右翼黑木爲楨將之大孤山軍爲中軍野津道貫將  
之二軍爲左翼奧保鞏將之而各軍復分左右中堅各縱隊惟右翼先進意在奪湯河  
右岸堡壘以拊俄兵之背故長谷川大將一隊七月十四日中曆與俄兵戰於浪子山西  
大將與井上中將一隊以十五日夜半襲奪八盤嶺逼紅砂嶺極險俄兵踞巔抵禦  
又時出枝隊攻日軍日軍瀕危次日架礮於北盤嶺谷底與俄兵相擊始漸次奪紅砂



嶺寒坡嶺弓長嶺俄人第一防禦陣地時俄人恐截後路急移鞍山兵退保首山日左軍乘虛佔鞍山十七日攻俄第三防禦陣地二十一日日人右翼奪大石門嶺與孟家房俄兵相持而中左兩軍亦齊進逼首山堡隔谷轟擊至次日勝負未決屢却屢攻屍橫徧山谷會日軍右翼縱隊由城東鎌刀灣渡太子河上游突出巖州城梅澤支隊乘俄兵無備由本溪臥龍村亂太子河進本溪湖俄大將苦魯巴金見其遼左之軍不支遂欲撤孟家房首山堡兵而日本兩軍又殊死鏖戰又由首山西北向山背兜擊因得佔西南一帶高阜逼俄兵第一防禦戰綫遂變山戰爲野戰惟白塔寺車站以南堡壘視首山益固激戰兩日夜不得逼進俄壘二十三日由昧爽至暮兩軍酣戰日人獲俄首山堡之礮即以攻俄而太子河右岸俄兵亦開礮相援其退自城西之俄步兵礮兵復渡太子河軍橋東合黑英台軍以禦日軍因而日右軍戰鬪益激岡崎少將一隊與俄兵爭黑英台及施官屯附近各高阜襲擊格鬪三失三佔日軍大苦二十四日日中軍由俄軍東南攻左軍由西北攻午刻突見城西門外一帶黑煙空騰則俄焚積聚而

遁也夜半日軍入城時梅澤支隊亦由本溪進與右縱隊松永合俄兵益卻二十五日俄軍退走奉天

初俄人約以步兵六軍團騎兵一百四十七隊礮五百十三尊分爲左右中三軍右翼踞鞍山一帶中軍踞浪子山一帶左翼踞紅砂嶺安平各壘全軍布置法城西南約二軍團南一軍團東一軍團西北太子河右岸一軍團而別屯一軍團於遼陽之背更有歐洲新兵二軍團至編爲總游擊軍兵非不多也且其經營遼陽方決計死守以爲根據地故防禦地造築周密計其鑿城垣濬隧道共十處寬二十五六尺城外築坦道縱橫如織其最附近陣地距城約三里成橢圓狀由西北而南遙連東北逶迤三十餘里其間有眼鏡堡或曲綫礮台或四角五角堡壘錯綜相連厚五六尺至一丈五六尺不等每堡設礮數尊近堡之地掘壕寬一丈八尺深一丈二三尺壕內植木椿或張鐵網或設狼狽埋以地雷壕外亦張大鐵網設窰無數至於陣地之背有甬道通礮車凹而寬廣左右曲折以防礮彈太子河右岸土城邱上排列重礮遙護堡壘此城前面防禦

地也其距陣地約六七里右由首山堡至方家屯孟家房虎頭崖左經太子河至施官屯黑英台巖州城之沿岸爲第三防禦陣地又南由沙河鎮東連四方台湯河沿孫家寨左至石咀子之小山脉爲第二防禦陣地再南而右由鞍山東連高峯寺大甸子弓長嶺七八盤嶺寒坡嶺至紅砂嶺爲第一防禦陣地蓋集厚力於此欲爲背城一戰故此戰結果俄官兵傷亡二萬五千餘名日兵官傷亡七百九名兵傷亡一萬六千三百三十九名獲戰利品無算計俄礮兵所發礮彈多至十萬五千顆實遠過俄土戰爭之數敗報至莫斯科全國震動是役也日人之得勢在襲渡太子河搗俄人之背使首山俄兵瞻顧後路無志死守英將哈米爾論日軍涉河智略多奇俄不乘此薄之而使日軍涉河如行康莊亦知兩軍之巧拙矣

官軍平亂 宣統三年九月莊復奸民作亂風鶴之警達於遼陽十月庚子警務教練所學生奔赴劉二堡又明日巡防某哨叛城東大安平一區三區巡警亦同時告變先是有匪人數十遙倚叛人爲援來踞城外生發店皆託革命黨勾結煽動其勢岌岌越三

日甲辰奉天保安會陸軍三標三營管帶黃復奉密令潛師夜至圍匪於太子河西岸  
龍王廟正對擊時官軍躍入短兵擊刺格鬪多時殺匪四人格三人俘二十七人溺於  
河斃於路者又數人劉二堡等處匪人或降或逃無抗命者大安平叛者亦反正凡六  
日而亂定官軍傷七人惟排長某負傷重死之是月戊午旋省吏民餞於東門外並刻  
石爲銘詞曰世運往復无平不陂么麼小醜敢犯天戈天戈一指如盪銀河鯨鯢息虐  
綠水不波犀象既遠黎庶大和刻銘斯石萬代不磨

宋玉奎官軍平亂記

警甲志卷二十二 消防團練醫院禁煙屠場

警察之主旨在防患於未然與從前捕班巡防異其用遼邑始由保甲改組以資保安並消防衛生各事繼而警力不足增設保甲當其責者如救焚拯溺非強勇機警之材不能勝之拘守警章者溺其職矣前清時代城內旗兵常不滿五百嗣以地方不靖增設督捕廳專司緝盜以把總外委領之兵數不過六十人今警甲一千二三百名夏冬兩防或增預備丁而盜案較前增多十倍何耶失業者多而制治之原不在此也述警甲志第二十二

警察

警察所之設置 自光緒三十一年就商家水會經費改辦巡警城內總局設巡官一員四鄉分局七設巡弁各一員由畝捐籌收經費三十二年遼中本溪設治遂將西北分局劃歸遼中東北分局劃歸本溪次年總局改設提調一員局董一員分文書警察出納庶務四課復用日人增井爲顧問不在局內始調查戶口定取締旅店規則設循環



簿俄又改四課爲總務出納教練衛生等課東西南北中分局五各設主計一員每分局分五區惟南局地面遼闊劃爲六區統計全境二十六區區設區董一員兼收畝捐三十四年另訂城鄉巡警章程八月添附郭分區另劃各路界限平均入款增減長警酌盈劑虛事權統一機關較前靈捷是爲第一次設置之改組

宣統元年遵部章改爲總務司法行政衛生四股按季調查戶口並編造吸煙人名清冊勒期戒斷嚴禁賭博清查民間槍械烙印編號以清盜源八月遵警務通則改總局爲警務局裁提調局董改設警務長一員城廂設五分駐所設巡官各一員四鄉五分局改爲四區設區官各一員每區設五分駐所巡官各一員及分遣所亦由警欸開支常年節省一萬餘元是爲第二次裁員節餉之改組

宣統二年由局分飭各區記載巡邏表旬報簿及按月所辦事實分類填報以資考核並清查游民編冊月報勒令煙民一律戒斷交出煙具計銷燬千餘件五月取銷分遣所添設司法警十二月疫病流行督警嚴防未致傳染三年二月又裁法警設分遣所

旋奉省令准照諮議局議定裁員減薪辦法裁顧問及巡官四員巡記六名馬巡六十七名巡警一百零二名共留馬步長警九百零三名至警餉一項俱照諮議局修正預算册廉費表一等級支銷是爲第三次裁減之改組

民國以來警務之組織 元年五月警務長朱斌奎因公所遞送公文及代轉各界文件馬警七名不敷分布減游擊巡警添設馬警八月裁司法股員歸總務股兼理裁衛生股員歸行政股兼理均不另支薪緣向日各股文牘均由總務股擬稿司法衛生事甚簡所有案件悉歸警務長預審司法股員僅管看守拘留有一巡長足勝其任衛生事尙屬簡略所有檢查清潔等項由行政股督飭各區所即可辦理所以斟酌裁併以資撙節九月蒙邊不靖匪人假宗社黨名目勾結黨徒意圖搶掠城內巡警力單另募巡警二十八名巡長二名以巡官一員領之作爲游擊校巡街市薪費均由節存項下支銷二年八月奉令改游擊爲警察隊以符章制此警務長時期行政之概略也  
民國三年改警務長爲所長一切行政無甚變更五年奉道尹飭令化散爲整俾資訓

練以期便於剿防於是將附城兩所改爲中區一二三四區改爲東南西北區十一月遵全省警務統一章程添設警佐二員以補助所長七年以新政繁興復設司法衛生各股員以專責成並設繙譯一員遇中外交際或交涉免致隔闕九年復化整爲散改爲五區又因鞍山鐵礦車站華洋雜處照顧須周另設分區區官一員而一區附警察所內不設區官僅有巡官五員全境區官四員巡官二十員城內設隊長一員馬長警三十五名迄十五年七月實行巡長制另劃區仿區村制全境分十區加鞍山區共十一區區官十一員巡官十二員戶口生十一名所內設助理一員分駐所十三處步長警共七百零四名馬長警七十名此現在行政區畫之概略也表列後

警察教練所

光緒三十二年創辦巡警學堂王永江爲校長次年由巡警總局創辦巡

警教練所每班六十人兩月畢業前後畢業八班宣統元年遵新章教練招生六十人一年畢業後又補招兩班三年奉省令照諮議局預算案減教練所經費因遼陽按照部章考取官費生得不扣火食嗣後應由巡警按區挑入以資節費其餘除所長由警

務長兼充外設教務委員一員兼授課程設教員一員助教一員兼辦庶務是年冬教練生爲革命潮流所趨暗結黨人相率散去及保安隊擊獲黨匪於龍王廟乃悉潛匿官府亦不深究暨民國成立按期挑送教練如故七年奉令修改教練所章程規定每日課程八種仍限一年畢業現在警士鮮有未經教練者蓋警察之知識漸增而緝捕之武力漸減雖於現勢之需要未盡利用亦不謂無進步也表附後

全境警察一覽表 民國十五年

區		別	官長員書額	警士額	駐	所
警察所		所	總務股員 行政股員 司法股員 衛生股員 行政助理員 書記長			城內縣署東義學書院

警察隊

書記 十  
隊長 一  
書記 一

馬巡長 四  
馬警 四十六

附警察所院內

第一區

區官 一  
巡記長 一  
戶口生 一  
書記 一

巡長 二  
巡警 三三

城內爐灰山胡同

一區分駐所

巡官 三  
巡記 一

巡長 二五  
巡警 一三五

三教堂胡同  
天齊廟  
西關

第二區

區官 一  
巡記長 一  
戶口生 一  
書記 一

巡長 一  
巡警 一〇

大路烟台

二區分駐所

巡官 一  
巡記 一

巡長 八  
巡警 二九

半拉山子

第三區

區官 一  
巡記長 一  
戶口生 一  
書記 一

巡長 一  
巡警 一〇

紅土崖子

三區分駐所

巡官  
巡記  
巡官  
巡警長  
巡警三  
巡警一  
八

大窰

第四區

巡記  
巡官  
巡記  
巡官  
巡記  
巡官  
巡警長  
巡警一  
巡警一  
巡警一  
〇

大安平

四區分駐所

巡官  
巡記  
巡官  
巡記  
巡官  
巡記  
巡警長  
巡警二  
巡警九  
巡警八

湯河沿

第五區

巡記  
巡官  
巡記  
巡官  
巡記  
巡官  
巡警長  
巡警一  
巡警一  
巡警一  
一

浪子山

五區分駐所

巡官  
巡記  
巡官  
巡記  
巡官  
巡記  
巡警長  
巡警三  
巡警六  
巡警〇

甜水站

第六區

巡記  
巡官  
巡記  
巡官  
巡記  
巡官  
巡警長  
巡警一  
巡警一  
巡警一  
一

七嶺子

六區分駐所

巡官  
巡記  
巡官  
巡記  
巡官  
巡記  
巡警長  
巡警七  
巡警九  
巡警七

沙河



第九區	八區分駐所	第八區	七區分駐所	第七區	
巡記	巡官	書記	戶口生	巡記	區官
巡警	巡長	巡警	巡長	巡警	巡長
黃金屯	大沙嶺	常家窩棚	唐馬寨	宋三台子	劉二堡

第十區	區官	巡記長	戶口生	書記	巡官	巡記	巡官	巡警一	小烟台
	區官	巡記長	戶口生	書記	巡官	巡記	巡官	巡警一	小烟台
十區分駐所	區官	巡記長	戶口生	書記	巡官	巡記	巡官	巡警四〇	沈且堡
	區官	巡記長	戶口生	書記	巡官	巡記	巡官	巡警四〇	沈且堡
十一區	巡記長	巡記長	戶口生	書記	巡官	巡記	巡官	巡警一	八卦溝
	巡記長	巡記長	戶口生	書記	巡官	巡記	巡官	巡警一	八卦溝
十一區分駐所	巡官	巡記	巡官	巡記	巡官	巡記	巡官	巡警一	立山
	巡官	巡記	巡官	巡記	巡官	巡記	巡官	巡警一	立山
教練所	教員二事務員	巡警一	巡警一	巡警一	巡警一	巡警一	巡警一	巡警一	爐灰山東
	教員二事務員	巡警一	巡警一	巡警一	巡警一	巡警一	巡警一	巡警一	爐灰山東

消防隊 宣統二年五月取消分遣所添司法警同時由警務局組織消防隊購置排水機器水龍逐日練習遇水火警頗資利用薪餉經費由警款項下支銷洎民國元年委劉景和為消防隊長額定隊兵四十名請准截留車牌捐作為常年經費十二年裁消

防隊其一切事宜併歸警察事務所辦理

官醫院

光緒三十一年日人在西二道街設立衛生醫院以日醫爲院長並用日醫二名凡檢病診療皆收費中人就醫者蓋尠三十四年由警務長王永江改定章程辭却日醫改爲官醫院用行政由警局主持委袁慶瀾司其事民國八年春田知事與士紳商定就四大廟東院官有地基新建醫院二十八間移居焉公推劉慶文爲院長暫定診療規章商民概收費學界減半地方機關軍警藝犯概免於是免費者紛至沓來收費者甚寡常年虧賠於公私均無利益十年虞恩榮接辦頗感困難同地方官紳核議特別籌募的款一律施療以成慈善事業遂聯名呈由儲裴前後任知事轉詳省署核准日醫西川辭去另延醫士常年由斗捐抽收款項並原有的款作爲經費於十四年冬實行施醫十五年又遴聘婦嬰科主任主任男女分科診療並添設專門產科隨時出院接生附設產科傳習所招收女生暨未曾研究之產婆現時每日就醫者常不下一二百人房舍不敷應用又籌募鉅款將議會後院兩層房教育所後層房重新修繕

以備添設戒煙所育嬰堂各宿舍病室佔用

醫學研究會 自光緒三十四年收回醫院後鑒於醫學失傳不能參會中西學理庸醫誤人爲害匪淺宣統初經警務長王永江招考全境醫生錄取合格者五百餘名發給證書准其自由業醫二年鼠疫發生就中選留十七名幫辦防疫事畢發給獎章從此創立研究會地址先在登福樓胡同租房十餘間會中公推正副會長正副幹事文牘會計各一名調查員二名每月朔望開研究會准有證書之醫士來會研究城鄉共設董事十人三年改選嗣又由會中設立西醫講習所日醫西川等爲教習兩班畢業者五十餘名民國十年遷至馬稅街租房十一間每年召集無證書之醫生考驗一次歸警察所辦理十四年會內附設婦女產科傳習一班六個月畢業二十人十五年又設西醫講習所一班學生三十名限二年畢業講員由幹事董事兼任之全體會員七百餘名年各納會金小洋六元常年收支相抵

屠獸場 光緒三十一年冬日人初設在高麗門外派獸醫檢驗就宰之猪牛羊病毒以

重衛生並收各項費嗣經知州鮮俊英交涉員于冲漢籌款將場贖回歸警察衛生股經理所收屠捐歸收捐處列入地方稅內屠猪與屠牛羊向在一場後准回民請求另設屠牛所於清真寺墻北由場起票納捐巡差臨所監視之民國十二年八月以場受太子河水患移大北門外新場場內設司事獸醫僱員各一巡差二場雜役六常年約支三千六百元約收三萬八千三百元歲屠猪六七千牛八九千羊四千餘

禁烟所 宣統元年設戒煙會由警局調查煙民造具名冊勒令入所戒斷公推留東法政畢業卡勇主其事帶同巡警搜查烟具至第二年前後搜獲煙具等二千餘件繳警局銷燬一時雷厲風行幾於廓清民國初停辦一切查禁事宜責成警察辦理

### 保甲

保甲之緣起始於鄉團光緒二十六年拳匪亂後盜匪繼起維時官家無兵各村屯爲自衛計組織鄉團南西兩路邊境係舊有團練東北兩路臨時創辦而西路北路旋又招撫降團厥後撤撫團改鄉團爲堡防兼任看青或數村或數十村聯爲一會由知州委

任正副防長抽收青糧每日地一角作堡防的款一村有警聯村互應此保甲之始基也至宣統二年奉天諮議局議改堡防爲預警訂定簡章城內設預警辦事處置預警總長暫由警務長兼充各區按戶抽丁於春秋農隙操練所用槍械由民戶備欸購置所需經費由畝捐撥百分之五此項預警係抽丁制富家無丁准其僱代丁壯各有身家駐所近在鄉里遇有匪警頗收守望相助之效惟良農子弟舍耰鋤操兵械或變爲游惰之民是亦不能無弊焉此其一變也民國三年奉令改預警爲保衛團委趙乃弼爲辦事員以下參議四員稽查二名文牘兼庶務一名書記二名全境分五團二十一保每團團總一每保保董書記各一馬步丁共五百名每年每日地收費四角遇冬夏防務喫緊每保酌抽臨時丁以補助之此又一變也七年復改保衛團爲保甲辦公處委劉述古爲保甲委員裁參議改五團爲五區區設總甲長改保董爲保長所內有稽查隊長文牘會計書記等全境現役甲丁四百二十名常備丁臨時丁數倍之備補丁數八倍之用抽籤法每年抽定八百名分兩班常駐六個月一更代其經費按畝捐附



收此又一變也十一年夏奉直戰起地方兵單奉令警甲合編名為自衛團以警長為分團長各區保以正副隊長領之蓋臨時自衛非常設也十月恢復保甲旋由省頒保甲新章改辦公處為事務所委劉景和為所長城廂及四鄉分四十二保又由各保抽馬丁八十名作為游擊旋因擔負太重裁去此又一變也十四年保甲併入警察所長王繼倫兼保甲所長城內添游擊隊長一分隊長四保丁八十名四鄉分五區設區保長一分二十保每保設保長一十五年七月改組為十區專司緝捕此又一變也各區保現在地址列左

全境保甲一覽表 民國十六年

名	稱	職員名額	長丁名額	駐在地址
保甲事務所	所長	一		附警察所
	稽查	一		
	文牘兼會計	一		
	書記	三		

游擊隊

隊長  
副隊長

甲長  
甲丁  
三四六

城內四大廟

保甲一區

區保長  
書記

甲長  
甲丁  
一八二

城西蔡林子

一區保所

區保長  
書記

甲長  
甲丁  
一八九

城西八里莊

保甲二區

區保長  
書記

甲長  
甲丁  
一八二

城東南石橋子

二區保所

區保長  
書記

甲長  
甲丁  
一四一

城東南柳林子

保甲三區

區保長  
書記

甲長  
甲丁  
一八二

城東皇姑墳

三區保所

區保長  
書記

甲長  
甲丁  
一四一

城東胡巴什溝

保甲四區

區保長  
書記

甲長  
甲丁  
一八二

城東南望寶台

四區保所

區保長  
書記

甲長  
甲丁  
一八一

城東梨皮峪

保甲五區

區保長

甲丁長

一八二

城東南柳林子

五區保所

書保長

甲丁長

一八二

城東南隆昌洲

保甲六區

區保長

甲丁長

一四二

城南石橋子

六區保所

書保長

甲丁長

一四一

城南魏家屯

保甲七區

區保長

甲丁長

一八二

城西劉二堡

七區保所

書保長

甲丁長

一八九

城西南雙樓台

保甲八區

區保長

甲丁長

一八二

城西大駱駝背

八區保所

書保長

甲丁長

一八九

城西翟家窩棚

保甲九區

區保長

甲丁長

一八二

城西北黃泥窪

九區保所

書保長

甲丁長

一八一

城西北胡廠房

保甲十區	書	區保長	一	甲	丁	九	城西北修二堡
	書	記	一	甲	長	三	
十區保所	書	保長	一	甲	長	一	城北大紙房
	書	記	一	甲	丁	四	

團練

有清同光時代遼境四經匪患同治丙寅光緒甲午小亂者二光緒庚子甲辰大亂者二而全境未至糜爛人民未至淪胥則鄉團之力也鄉團之著者為南路吉洞峪其次東西北三區而以辦理得人為最要承平之世鄉團可以不用而不可以不備守望相助古有明文苟亂端未起日趨負耒耕田之衆荷戈講武良民子弟寢假習為游惰弊將不可勝窮適宜之法惟在事先有備及變亂偶發得有剛勇公正之人出振臂一呼立即四應人雖愚懦而自衛身家未有不盡力者况有人倡之於前耶試叙其事於左

吉洞峪鄉團 南路東起大高嶺西抵興隆溝南連鳳岫北至沙河迤東各山嶺重複錯雜地勢險要奸宄一發守易而攻難同治初奉省胡匪猖獗大吏檄府縣舉辦團練有

關慶復者偉壯有膽略膂力絕人奉諭立即聯排辦團賊發立捕之吉洞峪一帶幾絕匪人蹤跡焉是爲南路鄉團之始泊關歿後匪勢復熾莫敢誰何徐聘卿珍時方年壯起而重整團練人咸服其剛正賊懾之無敢逞者光緒甲午地方不靖知州徐慶璋委徐爲練總時中日相持土匪蠢動惟南路稍安乃益申約束嚴防要隘隣縣海岫鳳邊境聞風響附計縱橫百數十里爲一大團日軍數次窺覘均以有備被擊却因此徐老帥之名喧傳乎中外庚子之變城池失守潰兵土匪蜂起惟南路無恙方變之初起也徐總練徇各練長謂宜急起團練於是聯排萬餘人分防各段突有洪匪率百數十人竄入會內荒溝伏而擊之格斃數十餘悉遁下馬塘在吉洞峪東一百四五十里楊二虎股匪勢甚張本溪金廷勛劉傳琮急求救馳至立予掃平綜其捕斃匪數前後數百人南路鄉團之效如此

### 西路鄉團

同治丙寅股匪徐占一馬傻子聚數千人由海界耿莊子北犯遼境城中戒嚴西路河東一帶大村落羣謀自保其零星村落紛紛逃渡河西有徐坨子徐長清者

率其弟及姪武生鴻遠約集聯村長林子等三十餘屯農民數千沿河守隘數日匪至見隔岸有備不敢渡南竄入牛莊河西團練由此成立歷獲陳禿子小豹等賊賊相戒無敢犯者河西僻界邊遠當台安遼中未設治時開闢未久鮮有大村堡又介居兩河之間官兵罕到民習於豪強喜帶刀乘馬以自雄往往流而爲盜迄庚子之變益復岌岌不寧會衆憂之爰舉府經歷于祥和繙譯生員劉廣葆重整團練按戶抽丁聯絡五十三屯衆千餘人是秋七月馬賊王占北王老疙疸劉義四五幫股匪狡焉思逞前後數次或僞稱假道或突來搶掠至皆擊却之有負傷棄馬而遁者復經知州陳衍庶發給槍械子藥聲勢益振故其時各處股匪數十百幫白晝橫行如入無人之境惟不敢入練會境內及海界高坨子招撫團成立團練會始撤消

劉二堡鄉團 堡爲遼境巨鎮農商三千數百戶庚子歲外村人多來堡中避難舉人周紹棠村長王自斌等約同河南河北西地東堡後堡五會聯絡團練衆意僉同乃合築土圍周二十七八里工甫竣有股匪印蘭亭等糾合四百餘人車前載草澆以鹽水以



爲蔽合攻東堡車行距圍壕將近槍齊發練長栗雅亭短小精悍令衆伏勿虛發槍待賊近先射其馬馬覆車張彈中賊斃賊見勢不支遂潰退旋有李鐵頭者率衆攻西地柳家莊圍內柳姓皆子弟兵設有土礮台賊至以前膛礮發之彈落馬前馬逸賊知有備引退不復敢犯至今該堡商團猶常設焉

半拉山鄉團 俄兵入城時瀋南遼北俄兵不時往來恐民間藏軍械時常搜查以致良莠不分奸人得以行險僥倖肆爲劫奪鄉村無自衛之策癸卯秋匪首陳小玩潛結匪黨勒捐莫敢與抗京堂袁金鎧家居山藥鋪鄉望素孚匪意以爲不捐袁氏則聲威不振乃以火攻其門袁暫緩之去與妻兄蘇蕙岑商定不動聲色誘小玩縛送官置之法餘黨解散自是半拉山子呂方寺數十屯鄉團成立居民始得安枕

北八家子鄉團 庚子歲遼城失陷時北路亦同患匪朱孝廉集成年老家居適俄人退還遼城知州楊昌瀚到任敦請幫辦善後任以招撫事乃就地籌款抽丁勦撫並行推夏二蠻爲練長二年之間獲賊十數起閭里安帖泊日俄交戰匪復乘機而起知州沈

金鑑復請朱孝廉出仍委以辦團之責爰即舊日之規模重加整頓附者益衆聯絡至數十屯名曰保甲局因以立後日警察之基礎云

陳家台沙澇屯葭窩王羅屯各鄉團陳家台距城二十里接吉洞峪會之北境庚子歲鄉人公推舉人春融辦團合二十餘屯聯爲一會沙澇屯距城東四十里舉人尹相湯等亦兼用勦撫以邱春亭爲練長聯二十餘屯爲一會葭窩距城東偏南六十里南連吉洞峪會西北接沙澇屯會全境數十屯公舉袁太史鎮南董其事王羅屯距城二十五里西距劉二堡二十里全境數十屯經舉人李明善廩生丁春和等原請練團有案亦同時操辦鄉團皆係就地抽丁酌給鄉勇薪餉凡在會居民平時守望相助遇警則合力擊賊雖設立未久而地方均蒙庇護焉

附遼陽鄉團記 庚子甲辰之亂外人駐境盜賊橫行論者咸謂奉天一大變局而遼陽一邑未至遭慘劫者則以鄉團之故蓋其中有天時焉有地利焉有人事焉非可率爾爲也遼陽地勢東南高而西北下天然界限以驛路爲定出城西南行由鞍山站左

轉越吉洞峪東薄大高嶺踰太子河北上徑達柳河子胡巴什溝蠶叢鳥道跬步皆山  
一人守險百人不得而上之且其民素習獵事持銃在手發必命中即闖入焉亦不異  
以鳥投羅以蛾投燄故荒溝一役練長徐珍爲三覆以待之而洪賊授首即其他勦捕  
諸大役預料賊從某路來當以某路逸發兵截之亦嘗以扼險制勝城之西北盡屬平  
原東北邊鄙起於半拉山子礮子寺踰山藥舖驛路向西斜行至長灘循渾河南下徑  
至唐馬寨西泗河以訖海界小河口遼河渾河流其外太子河沙河貫其中延袤百餘  
里一望無垠素爲盜賊出沒之區秋冬則用馬春夏則用步行踪飄忽來去不常稍一  
弛防立遭其害即與之相遇血肉之軀日與礮石相抗勝負之數亦不可定故庚子亂  
後孝廉朱韶九主持北路事專用化剛爲柔法擇其中梟健素習情形者使爲我用而  
又輔之以什五申之以約束積年以來剷除巨盜以十數馮庶常紹唐之在河西仿而  
行之亦以著效而學博袁金鎧家於通衢山藥舖癸卯之歲困於劇賊陳小玩火及其  
門隣里莫敢救學博出萬死不顧一生之計誘賊於家與所親及子姪輩手縛其渠遠

付官軍以報而羣黨悉逃是故言遼陽團防在東南者多以勇力顯在西北者多以智謀勝時勢所在蓋有不得不然者矣其後甲辰春日俄構釁俄人瞻顧後路掣我兵機凡舊有之團防已成之保甲皆爲所破壞而盜賊遽以大熾此則云擄掠彼則云報復黨羽之衆不減庚子慘毒之狀則似過之而地方紳民受制於強權之下勇者無所殫其力智者無所竭其謀展轉流離惟有悲憤其歲秋日人至境則盡反其所爲保甲團防皆不過問又經官府倡導改爲巡警由是合邑紳民聯袂而起四鄉分局報立共計十餘處而賊匪肆惡已久乘巡警始立九隻手遽入莊河村李大屯以擾河北杜立山踞吊鞋窩子以躡河西大紙房一役韓樂子綁票入東山形勢之地半爲賊據竭官民之力僅乃克之自是之後官民上下鑒於人力之不可徒勞事機之不可輕棄慨然太息重訂新章凡分局之在境者可添則添可去則去可分則分可合則合遂定爲東西南北中五路設城局以董其事優其薪水節其勞逸而又時時講操法懸賞格以勵士民且勦且捕且防且守至戊申春而事大定始合詞上請統歸官辦奉憲檄曰准如



自治志卷二十三

自治萌芽於光緒三十四年春由省籌辦處令設自治期成會在中心廟北勸學所院內公推徐珍爲會長學警各紳爲會員關於自治籌備事宜輔助州知事辦理述自治志第二十三

自治研究所 開辦之始遵照奏定地方自治章程設立研究所在懷王寺第一分駐所院內高毓衡爲所長王化春爲學監刊發戳記學員一百四十名八個月畢業所需費用由裁撤鄉會所節經費支撥

地方自治事務所 宣統元年十月成立附設於州署附近之統計處籌辦城鄉自治進行事務其名譽職員即以研究所所長與教員並統計各員收捐總董及期成會會員充之公推高毓衡爲幹事長王承楷姜文憲副之幹事十五員經費由當年清查畝捐項下支用

城鄉自治會 宣統二年正月呈報同時舉行全境區畫仍分爲城廂及二十一鄉六月



間選舉畢議董兩會成立城廂議員十六員各鄉議員共二百九十員正副議長鄉董佐由額內互選之一年期滿改選半數民國二年十一月第二次改選

州參事會議事會 宣統二年閏六月成立四月間選舉州議員四十五名正副議長參事員由內互選會所在四大廟處係籌款新建築計上下兩級自治費常年共需奉小洋四萬一千六百餘圓由稅捐附加一成及公有蠶場暨裁收捐分所警局節款支撥收支比較約年盈五千餘圓民國二年改州為縣三年二月奉令一律停辦縣議會場所或駐兵或空閒滿院荒蕪將來自治復活重新修繕又費幾許經營矣茲將前兩級自治人員及州城廂各鄉會所表列於左俾後得觀覽焉

遼陽上下級自治表

區	自治	地址	職別	姓	名	改選半數姓名	二次改選姓名
遼陽	議事	城內	議長	趙乃弼			
			副議長	恩培			

州

遼陽州

會

參事會

四大廟街

同上

議

員孫庭蔭

文治

高拱垣  
于良俊

唐德謙

姜文忠

周熙恩

張振九

韓紹伯

王兆年

陳德善

王書

劉忠祥

高兆緒

趙玉潤

高栢林

谷宜深

錢兆民

薛崧甫

于世榮

劉維嶽

趙文治

劉自銘

于祥和

竇績燕

韓樹勛

王作霖

程佩顯

陳士勛

胡永貞

孟世鐸

劉寶齡

柳春和

王柱林

劉慶文

劉桐

陳詒齡

陳廷勛

陳之贊

馮光異

參事員

城廂

城廂

第一鄉

議事會

董事會

議事會董

二街道

同上

城東北石

議長 王承楷  
副議長 劉文相  
議員 劉金聲

總董 趙宗炳  
董事 賈騰揚  
名譽董事 張東壁  
孫庭陰

議長 長文治  
副議長 荊文華

鄉董 卜樹屏  
鄉佐 趙秉炎

王為謙 趙宗炳  
麟 紜 朱景軾

楊逢春 洪貴格  
金樹垣 干擢謙

祁德魁 董式孤  
李文簡 趙承忠

趙膺祺  
張戎箕

曹述鐸

于福鎮 張中一  
韓成明 英毅

王永楷  
于福鎮

許英毅  
王維藩

李文郁  
王承霖

許麟紜  
劉文相

王承松  
賈騰揚

李耀林  
喻殿弼

喻德秉  
王維新

王秀升  
韓式祥

宋福魁  
金樹垣

石楚珩  
李文簡

曹殿甲  
王家駿

富檣格  
樊乃棠

鄉二第

議事會董事會

事會

平安大東城

子橋

議

員 焦文元 王之淮

于良俊 朱槐林 解殿勛 王汝霖

吳鳳翔

荆殿華 白崇善

葛長久 王炳文

吳純成 增順

朱光餘 于文華 王化春 趙鳳齡

吳順清 趙誠格

李紹春 卞樹屏

張玉慶 桂格

王汝霖 孟啓鏞 李恩霖

劉國成 王明章

王汝霖 趙秉炎

慶元 尚鴻鈞

吳純儒 張玉慶

張玉慶 周其昌

吳鳳翔 文荃

議 長 姜文忠 副 議 長 富長恩

富長恩 王永治

鄉 董 周熙琛 鄉 佐 景清

屈奇機 吳克昌 李克桃 李克忱

翁崇賢

富承霖 周熙琛

尚志恆 詹藝林

議 員 承霖 姚國楨

許福盛 徐明朗 徐安鍾 筠

趙蒸卿 屈奇機

姜文恩 王汝恩

佟玉田 陳永新

韓紹倫 王永治 王鴻慶 白恩祿

柏廷藩 張世英

許福盛 尚景琛

韓克階 李自明

韓紹倫 王永治 王鴻慶 白恩祿

張世英

尚景琛

詹藝林 羅士揚

李永吉 王德謙

李永吉 彭連普

姚國楨 富蔭清

鄉三第

鄉四第

議事董會事議

議事董會事議

樓水鈞東城

子山拉半北東城

議長李樹垣  
副議長施國慕

鄉董孫瀛  
鄉佐袁中厚

議員李繼唐

孫克鈞

刁樹榮

張振九

周文舉

吳希福

議長陳詒齡  
副議長沈德元

鄉董王兆年

鄉佐唐緒本

議員陳德善

劉富春

韓廣陞

趙永會

高士英  
施國慕

李樹玉  
李雍煦

李松年

李常雍

朱常雍

李德常

吳成庚

王成學

吳成庚

程世勛

沈德元

李慶隆

王兆印

李樹蔭

李富春

陳宗儒

許恩普

趙鴻俊

郝殿奎  
刁樹榮

鄭棟林

蘭恩波

施恩普

呂德新

吳成庚

吳成庚

吳成庚

吳成庚

吳成庚

吳成庚

吳成庚

吳成庚

吳成庚

吳成庚

吳成庚

吳成庚

吳成庚

鄉六第

鄉五第

董會事議

會事董會事議

東南東城

台烟路大北城

議長王鵬翰  
副議長劉義  
鄉董高紀元  
鄉佐劉慶文

議長恩培  
副議長魏玉書  
鄉董蘇萃亨  
鄉佐張德厚  
員安如石

關錫權

那德馨

汪榮勛

關哲保

劉蔚彬

那海宴

楊德廷  
張殿相

王蘭李鍾甫  
張承閣關寶瑀

許萬珍張鎮銳

孫玉琛孫玉焯

王德森王德森

應振綱安如石

曹廣榮  
常玉璞

吳恩陞  
李河王景義  
劍廉海

馬柏林

王鵬翰  
高殿永

吳錫珍

安集芳

王桂香

劉爾昌

金殿會

尚博文

劉桂巖

李鍾甫

許萬珍  
關榮韜

王玉山

馬柏林

孫玉琛

張鎮銳

郭維藩

李忠藩

崔廣恩  
程連恩  
劉富春  
王景雲  
劉廣振  
李樹濬  
趙永會  
曹廣榮



第八

第七鄉

議事

議事會董事會

事會

城南

城東城南河沿

新堡

副議長  
長葉深  
長谷宜

曹東藻  
寇瓚珊

龐志善  
岳永鎮

顧萬起  
李福春

鄉董  
寇協中  
王繼周

副議長  
長張鴻儒  
長張逢澤

李西林  
曾萬全

孫三生  
許慶恩

邸常緯  
孫泰良

議員

奎張明  
張紀銘

張鵬雲  
沈祥義  
唐興詔  
趙玉田

王財科  
朱世賢  
寇瓚珊  
張樾藩

張慶祥

劉清烈  
高殿永

夏永海  
高殿永  
李西林  
王有慶

高魁岱  
巴龍珍  
邸常緯  
徐國恩

賈元貞  
趙連芳  
王永恩  
王鳳諮

葉深  
谷正山

龐志善  
博文彬

寇瓚珊  
郝廣文

林和陽  
王繼周

趙樾藩  
高柏林

曾萬全  
王有慶

王慶普  
李西林

商福生  
徐國恩

許慶恩  
韓紹周

劉振海  
岳永鎮

劉位  
張柏田

吳宗程  
趙玉田

高兆復  
高鳳閣

王仰曾  
高魁福

孫泰良  
夏永海

鄉

鄉九第

會事董會

會事董會

河沙

子嶺七南城

議鄉鄉

議鄉鄉

董郭鴻達  
佐王懷璞  
員高萬選

副議長陳廷勛  
董吳寶生  
鄉佐金希城  
鄉員劉明新

于長福  
白德安  
王有勛  
申德慶

鄒長寶  
李德永

胡掄一  
于長福

張雲峯  
賈雲魁  
孫福綬

賈雲魁  
陳廷翰

張有賡  
金殿左

王懷璞  
時景勛  
郭鴻達

劉景和  
賈國颺  
胡清林

申德慶  
溫景華  
申長齡

崔連泗  
陳廷翰

金長耀  
張鴻勛  
劉麟閣

洪玉珩  
劉明新  
白玉衡

范傳續

第十鄉

第十一鄉

議事董會事議

議事董會事議

城南吉洞峪

城西劉堡二

議長 陳桂元

副議長 蘇國衡

鄉董 劉桐

鄉佐 張德綿

鄉員 馬鴻達

王世榮

唐賡堯

高元順

徐一珍

華芳岱

議長 柳春和

副議長 周紹棠

鄉董 王輯瑞

鄉佐 趙文元

鄉員 趙鴻文

王壽椿

傅永湘

黃成彩

陳桂元

劉玉璽

馬德芳

胡維財

徐德藩

王鳳新

劉盛澍

劉德貴

石玉琳

王殿祿

周紹棠

邊葆清

唐誠中

王輯瑞

劉長清

孫乃賡

王鳳翥

王世榮

葉德綿

于生

王振芳

劉維綸

于生

于生

于生

于生

于生

于生

于生

于生

于生

于生

于生

于生

于生

鄉三十第

鄉二十第

會事董會事議

會事董會事議

屯司公南西城

台趙小西城

議鄉鄉副議

議鄉鄉副議

員董董長長

員董董長長

宋蘇佐劉王宋  
作正樹自桂雲  
霖化範銘林鵬

邵麟德魏劉魏  
祖祖徵榮維榮  
雍祥徵魁嶽荃

韓韓韓劉劉劉  
英英英述述述  
斌斌斌古和

李馬姜栗  
正保文文化  
東俊化方

潘蘇蘇國徵宋寶善  
永國徵宋寶善  
匯國徵宋寶善  
韓紹詩

王成丁褚  
福善世博文  
成善世博文

張徐王萬  
椿萬自春  
林錡斌富

李劉劉  
郁自自  
春銘銘

邢佟  
國炳  
方麟

岑魏  
紹學  
先良

王文洪  
藩寶  
珍

許關  
麟書  
瑞麟

趙丁  
乃春  
賡和

劉王  
順自  
生斌

黃黃  
殿鵬  
陸萃

翟宋  
恩寶  
聚善

劉白  
福奎  
鴻聚

宋丁  
德世  
俊祥

韓趙  
英雲  
斌楣

王趙  
成常  
周林

第三十

鄉第四十第

鄉五十第

議事會董

議事會董

議事會董

西城唐馬寨

西城唐馬寨

西城唐馬寨

閣秉禮

商履升

劉中興

沈玉麟

張汝康

徐德海

韓紹詩

李郁春

潘文光

張玉倫

沈玉麟

曹爾賡

戴乃賡

牛恩魁

張永祿

張奎英

趙緒成

潘永匯

陳希聖

孫恒塹

佟炳麟

宋寶信

徐德海

徐德海

蘇世卿

李述唐

王國藩

蘇世卿

蘇世卿

蘇世卿

議員

張永和

苗喜成

張永和

車鳳先

張永和

苗喜成

苗喜蔚

劉廣葆

白玉塹

馮毓奎

魯承功

蘇世卿

劉廣葆

白玉塹

李榮年

翟玉芝

馮炳奎

馮元奎

潘成允

車石麟

蘇世卿

潘成允

苗喜蔚

宋長美

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

議事會董

會事

子墻

議

員劉廣海

艾連五楊萬福  
孟廣英艾紹藩

劉廣居  
張斗辰

楊萬福  
劉錫鳳

曾昭序

張乃甲

趙家璧

曾昭序

劉兆銓

王舉

陳尚德

劉成總

劉成總

劉兆銓

馬廣育

趙翰垣

王舉

張吉謙

趙翰垣

趙翰垣

議

長黃之鉞

黃之鉞

黃之鉞

黃之鉞

副議

長朱斌奎

朱斌奎

范先春

范先春

鄉

董王鳴俊

董王鳴俊

王明俊

高尙正

鄉

佐韓樹新

韓樹新

戴濃

吳寶賢

議

員范先春

黃大中鄭廣武

戴玉振

鄭德滋

黃孟儒

張樹藩

張樹藩

戴玉振

鄭德滋

安錫齡

孫元慶

孫元慶

黃大中

孫榮

高尙正

任之重

任之重

王成觀

王廷祥

張樹樸

楊春魁

楊春魁

李永祥

何永金

張樹樸

張書麟

張書麟

黃孟儒

何永金

黃孟儒

范茂祥

范茂祥

范茂祥

范茂祥

張殿藩

張殿藩

張殿藩

張殿藩

張殿藩

曾廣慶

曾廣慶

曾廣慶

曾廣慶

曾廣慶

鄉六十第

會事董會事議

沿子溝北城

議

員范先春

黃大中鄭廣武

王明俊

高尙正

議

員范先春

黃大中鄭廣武

戴玉振

鄭德滋

黃孟儒

張樹藩

張樹藩

戴玉振

鄭德滋

安錫齡

孫元慶

孫元慶

黃大中

孫榮

高尙正

任之重

任之重

王成觀

王廷祥

張樹樸

楊春魁

楊春魁

李永祥

何永金

張樹樸

張書麟

張書麟

黃孟儒

何永金

黃孟儒

范茂祥

范茂祥

范茂祥

范茂祥

張殿藩

張殿藩

張殿藩

張殿藩

張殿藩

曾廣慶

曾廣慶

曾廣慶

曾廣慶

曾廣慶

第十

事議

北城

副議

長馬樂溥

張殿藩

張殿藩

張殿藩



鄉七

鄉八十第

會事董會

會事董會事議

房紙大

堡二佟北西城

議鄉鄉

員

董劉書閣  
佐鄭文萃

景日純  
黃振生

孫鶴田  
陳廷儒

曾廣慶  
王富安

秦占文  
田潤書

議長程丕顯  
副議長陳廣聞

鄉董陳士勛  
鄉佐李廣鈞

議員高玉振  
高培恩

金長瀛  
閔克平

陳士榮  
徐德本

黃自振何永金  
李殿香張書麟

王成觀  
黃孟儒

王爾田  
陳之玠

劉廷賓  
張景秀

陳慶立  
鄧殿印

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

鄧殿印  
李修齡

孫雙全劉蜀閣  
馬恒泰陳之玠

鳳翔鄭文萃  
顏之仁

吳文萃  
黃振聲

許子巖  
陳廷儒

程佩頤  
鄧殿立

李修月  
程佩芳

陳士勛  
程自謙

蕭永昌  
鄧殿振

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

王爾田  
賈紹先

鳳翔  
徐德明

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄧殿振  
高培恩

鄉九十第

鄉十二第

議事董會事議

議事董會事議

嶺沙大北西城

窪泥黃西城

陳克顯  
王文緒

程自謙  
劉紹祖

陳士忠  
徐德本

議事董會事議  
副議長 莊景芳  
董 閻世壇  
佐 黃奎光

李永魁 房寶聚  
劉守先 李永魁

金朝光  
何鳳九

議事董會事議  
副議長 穆慶豐  
董 閻世壇  
佐 黃奎光

李永魁 房寶聚  
劉守先 李永魁

閣世壇  
何恩厚

李魁錫  
姚承舜  
吳世清  
胡永禎

施玉綸 李浚源  
楊德倫 邊寶麟

張景雲  
孫甲三

郭樹寶  
孟世鐸

李廣和  
邊德玉

胡 緯  
高鳳升

郭樹寶  
孟世鐸

郭樹寶  
時福全

郭樹寶  
時福全

鄉董 夏繼舜  
鄉董 陳廷璽

孫克勤 孫占熬  
佟銘勛 陳萬齡

羅顯績  
夏繼舜

議事董會事議  
副議長 莊景芳  
董 閻世壇  
佐 黃奎光

孫克勤 孫占熬  
佟銘勛 陳萬齡

羅顯績  
夏繼舜

議事董會事議  
副議長 莊景芳  
董 閻世壇  
佐 黃奎光

孫克勤 孫占熬  
佟銘勛 陳萬齡

羅顯績  
夏繼舜

孫占熬  
崔玉峯

第十二鄉

議事會董事會

城東南甜水站

議事會	副議長	董	鄉	鄉	員				
長 劉卿雲	長 哈士臣	顧德昌	李永馨	顧明寬	顧明寬	顧明寬	顧明寬	顧明寬	顧明寬
李鍾華				陳連安	韓希信	蘇為霖	劉建明	劉建明	劉建明
魏雲萃				李錦儒	劉清宴	陳寶任	陳寶任	陳寶任	陳寶任
李鍾華				周立發	周立發	李錦儒	李錦儒	李錦儒	李錦儒
高志倫				哈士臣	哈士臣	劉清廉	劉清廉	劉清廉	劉清廉
魏雲岐				陳寶任	陳寶任	王德仁	王德仁	王德仁	王德仁
馬世錫									

右表列二十一鄉始自光緒三十二年區畫之初每鄉設鄉正一籌收畝捐及辦理鄉村事務受地方官監督似自治實非自治也迄舉辦城鄉自治鄉界仍舊維時清賦地照皆以某鄉別之自治停辦一鄉改爲四五區不等全境共分一百十區及區村制行又併爲十區溯厥清初州治境分二十七社豐盛安樂韓家河北河南首山

向化開張德鄰永盛興甯興盛里仁太平親睦永平峨帽河工紙房東山黃屯豐樂  
昌平清平錦文白塔南莊今之豐盛堡里仁屯峨帽莊河工堡大紙房東山堡大黃  
屯皆沿用舊社名惟此係民籍所居若旗署轄境西撥入遼中東畫歸本溪且各數  
十里不限於社也要之古者事簡人稀疆域廣而可治今者戶口增多政益紛繁治  
境宜狹沿革不同勢使之然耳

區村制之施行 民國十一年省行政公署議定區村制單行章程飭各縣試辦略存自  
治之形式由是化散爲整從前全境一百一十區改爲十區每區設區長一助理員一  
區長由縣知事保送二人經省長面詢指定一人乃得充任經費由清賦稅契提成不  
足再以公款補助其職責純爲輔佐官治及排解人民爭訟事件區村之畫分大約併  
從前兩鄉爲一區滿二百戶爲一主村不足以小村附之其次序附城及車站西一帶  
爲一區城東北爲二區城東稍偏北爲三區城東爲四區城東南爲五區城南爲六區  
城西南爲七區城西稍偏南爲八區城西爲九區城北爲十區各區長均暫行試充嗣

於十二年十月正式加委惟現在各區長供應官府徵發幾於日不暇給對於社會應行興革諸要務則未遑顧及其於自治之原則失之遠矣附表於左

全境十區區公所區長姓名一覽表

名稱	地點	前區長	次章	任職年月	現任區長	次章	任職年月
一區	西關藥王廟	李寶賢	卜枚	民國十二年五月	許麟瑞	怡山	民國十五年五月
二區	大路烟台	安如石	古岑	民國十二年五月	安如石		十四年十一月
三區	紅土崖子	陳峯耀	星橋	民國十三年十月	陳峯耀		十三年十月
四區	大安平	寇協中	壹忱	民國十二年五月	寇協中		十四年十一月
五區	上麻屯	高元順	品一	民國十二年五月	梁負棟	之翰	十四年七月
六區	七嶺子	陳廷勛	銘珊	民國十二年五月	陳廷勛		十四年十一月

七區 劉二堡

翟克欽  
宋國桂

慰宣

民國十二年

劉自銘

新盤十四年十月

八區 唐馬寨

王玉田

雅藍

民國十二年五月

王玉田

雅藍十四年十一月

九區 大沙嶺

黃奎光

星五

民國十二年五月

胡永貞

仲清十五年六月

十區 小烟台

曾廣鈞  
段維鏞

喜亭  
子笙

民國十二年

吳寶賢

子俊十六年三月



於二十一年十月正式...

整理十區公所區長姓名一覽表

石 門 地 點 前任區長 次章 任職年月 現任區長 次章 任職年月

一區 西關梁王廟 李寶賢 卞寶賢 民國二十一年五月 許顯瑞 怡山 民國二十一年五月

二區 大路烟台 安如石 古春 民國二十一年五月 安如石 十四年十一月

三區 廟小徽石 劉錫麟 于錫麟 民國二十一年五月 張泉寶 于錫麟 十六年五月

四區 廟大次考邊 黃逢水 孫正 民國二十一年五月 孫承貞 許顯瑞 二十一年六月

五區 廟大風寨 高逢田 孫正 民國二十一年五月 孫正 孫正 二十一年五月 孫正 二十一年五月

六區 廟大...

遼陽縣志四編

人事

施自官府者為政治見之於民者為事為風俗政治隆盛時代民族殷繁各安其業風  
清俗美否則反是惟今日政體既革斯民宜各盡天職台羣自治以漸成完善之民族  
勿謂今不古若也

遼陽縣志卷二十四

補遺

本局編纂人最先其大則滿蒙同為漢代後世東所統轄其後高麗及新羅等  
各統其地漸而漢族同化消滅太祖得遼陽時人來歸者甚眾清軍由遼陽奉天  
人皆受命元朝各郡皆屬之分隸滿洲蒙古各分八旗定都以後由朝鮮山東各省  
及各省人民移居者皆由土著而回民自稱其籍同各籍民而不延於漢族計奉  
天省內之漢人約有二萬餘人其內之七五萬同各籍百之十此四族中漢人

於照合不古者也

此物美香聞之身雖今日也醫藥革其宜香盡大難合其自前以備與治其之則其  
誠自官訓香欲如前見之勿與香氣非氣風俗如前則雖知外則其理察香安其氣風

人事

後國志四錄

人類志卷二十四

民族之進化遼東爲晚漢唐以前無甚可紀遼金以降禮俗教治漸次修舉清順治初值革鼎之後本境民戶蕭條田多未闢前州志序所載可略見一斑也迄後屢經招徠休養生息數百餘年閭閻櫛比漸成殷庶之景衆由是功用既興人事日以繁夥惟所  
有人民率皆移自他方漢滿雜處政教雖同而風俗或殊焉如何而整齊之如何而利  
導之則士夫之責也述人類志第二十四

種族

本境種族漢人最先其次則滿蒙回公孫氏據遼東所統皆漢族厥後高麗及遼元遺族  
各處散居漸與漢族同化洎清太祖得遼陽明人來歸者多隸漢軍由滿洲本部從征軍  
人以至金元舊族各部附屬者分隸滿洲蒙古各分八旗定都以後由順直山東各省遷  
來之漢人皆入民籍令皆墾田土著惟回民自保其種同名爲民而不混於漢約計本境  
漢人百之四五滿人百之一八漢軍人百之二七其蒙回各族百之十此四族中農居十

之六工商一轉移職事者一而充兵役及無業游民與釋道等居其二時勢遷流競爭生存之事日益劇烈路鑛之利坐視外人吸取設庶而不富富而無教人類幾何而不滅也各族分列于左

漢族 漢代以兵征四裔外人因稱中國爲漢即稱中國人爲漢族元許衡請行漢法是也元世祖征日本日本因目漢族爲蒙古利亞族其實非也燕秦之際漢人間或避地屏居遼東及元菟郡置來者益衆歷慕容耶律之更代而漢族未變於夷藉非文化維持之力不至此清初先都遼陽土著漢人降附者爲漢軍順治時撥關內人民來墾田給以牛種厥後不招而自至者甚夥入民籍隸漢軍任便民國取銷旗制漢軍民籍統爲漢族故漢人爲最多

滿族 清初崛起長白鄂多哩城合古昔肅慎夫餘三韓挹婁勿吉靺鞨女真完顏歷代諸部族黑水白山西南等處統號滿洲是爲滿洲之始日本目爲通古斯族以清國書考之滿洲本作滿珠二字皆平讀西藏獻丹書皆稱曼珠繙譯其義曼珠者華言妙吉

祥也清太祖時併葉赫烏拉輝發哈達棟鄂哲陳蘇完諸部相繼歸附均隸屬焉厥後漢軍或因功改隸滿洲或由他部歸附編爲新滿洲與舊族並無差殊順治時號遼陽爲東京滿洲八旗兵駐防於此遂爲土著繼而領荒任墾分處城鄉滿人與民人不交產不結婚意在保持生計及種族惟滿人不克自奮以先世隸軍籍子孫率多充兵食糧罕習四民本業迄清末季遂以不振鼎革以來畛域悉化與民人同

蒙古族 唐時曰蒙兀或訛爲蒙骨斯元祖以蒙古崛起朔漠混一區宇廣建宗藩及其亡也漠南北之地遺族孔多即今興安嶺內外蒙古是已清初以種族相近之關係頗多內附輒編入旗籍分爲蒙古八旗舊部則錫以封爵羈縻之使各安藩屬其色目又有錫伯巴爾虎等名習俗語言文字與滿洲小有異同遼陽原有巴爾虎一旗駐防然土著之蒙族亦有不隸此旗者如諸王旗喇嘛園各壯丁往往有之不可殫數民國以來亦與漢族同化矣

回族 阿剌伯人其入中國始自隋唐有清征準噶爾大小卓和木等亞洲土耳其回族



同歸附者日衆本境城鎮鄉不少回民散處多以屠牛及小販爲業罕置土田惟保種甚嚴一切禮俗飲食與他族不同各戶門首皆用阿刺伯文字爲標誌每年仍用其祖國歲元平居與人交語言和悅及遇事相爭輒好奮鬪

戶口

本邑在明時代設定遼五衛置兵屯戍未嘗以人民實邊地闕人稀有土滿之患清順治十年始設府轄附郭遼陽縣招直魯豫晉人民來此墾田康熙二十年間尙復人烟寥落嗣因官給牛種先至者有如歸之樂聞風者乃源源而來及雍正間爰始編查丁戶分爲十甲二十七社每丁征耗銀一錢五分五釐人民以登版爲多累書吏以冊費丁銀爲耗贖脫漏之弊在所不免故俗有一丁遮百戶之說光緒初州署丁額五千餘嗣後除撥遼中本溪二縣外餘四千五百七十七丁漢軍旗籍戶口原不入本城冊檔滿蒙人戶遵例三年一比光緒間旗署冊載男女大小僅二萬零二百名口清末取消旗制免征民丁編查責成巡警其時土著旗籍五萬四千二百四十三戶民籍五萬八千零三十六戶客籍

一千八百三十二戶計丁男二十四萬四千零六十二名小男十四萬三千九百三十九名女大口二十萬零一千七百八十八女小口十二萬八千二百七十八統計男女七十一萬八千零六十七名口內有學童二萬有奇迄今又二十年歲有登加然綜覈全境十一區調查戶口除舖商及鐵路附屬地外實數仍未滿八十萬各區分列於下

第一區城廂 戶一萬七千二百九十三男四萬七千零二十三女四萬七千一百三十五口

第二區 戶一萬四千二百六十九男四萬八千三百六十一名女四萬五千九百八十七口

第三區 戶一萬一千三百六十男三萬八千八百七十七名女三萬六千九百零三口  
第四區 戶一萬零七百八十二男三萬八千九百三十六名女三萬六千五百八十四口

第五區 戶一萬三千零七十九男五萬一千一百二十五名女四萬六千二百七十口

第六區 戶九千一百七十八男三萬二千零零七名女三萬九千零三十七口

第七區 戶一萬零三百二十九男三萬六千八百五十五名女三萬四千五百四十八口

第八區 戶六千二百零四男二萬二千八百零七名女二萬零九百三十二口

第九區 戶六千零二十八男二萬零六百一十六名女一萬九千一百四十口

第十區 戶一萬五千四百一十四男五萬一千一百七十二名女四萬七千八百七十二口

第十一區 戶二千六百四十八男八千零五十四名女七千零二十一口此區在鞍山鐵鑛附近畫為特別警區不在區村制內

統計一一六五八四戶男三九五八三三名女三八一四二九口

全境商戶 城廂一區一千三百七十五戶男一萬四千二百八十三名女八百七十七

口二區一百十五戶男三百三十一名女一百零一口三區一百零四戶男二百九十

佟佳氏 遼東有佟養正者其先爲滿洲居佟佳以地爲氏祖達爾哈齊以貿易居開原繼遷撫順天命初養正從弟養性輸誠清太祖及克撫順養正遂挈家并族屬來歸隸漢軍六年從征遼陽遂家焉汪提學灝撰佟氏世系圖序云佟舊爲遼陽著姓由仕明鎮國將軍達禮爲一世逮八世下三世中公四人國舅二人伯三人額駙二人文則內自侍郎至主事外自督撫至縣令武則內自都統至佐領外自提督至守府數十百人不可勝記康熙二年忠勇公國綱與佟佳氏諸大臣奉命攷訂支派叙列族譜請歸滿洲部議以佟佳氏官職甚多應隸漢軍惟國綱本支入滿洲正白旗於是滿漢分隸族大支繁清八大姓中稱最焉住遼者有漢軍正黃旗之佟漢源舉人佟炳麟庚辰進士內閣中書居城西南馬伊屯隸滿洲旗者散處於城北各村落無甚顯者至今滿洲傅十一世漢軍傅八世

瓜爾佳氏 有費英東者世居蘇完後隸滿洲鑲黃旗清太祖創業之初隨其父蘇完部長索爾果首率所部軍民歸清授一等大臣尙主從征諸國三十餘年身先士卒衝突

堅陣所向披靡性忠直敢言累遷至一等公世爵子十人六子索海以戰功累遷至一等輕車都尉七子圖賴亦以戰功至一等公又有吳巴海者世居烏喇後隸滿洲鑲藍旗清天命三年從征尼堪外蘭至崇德二年累功加世職一等輕車都尉晉三等子嗣子傳喀襲一等輕車都尉弟夏色姪錫漢分襲兩騎都尉皆子孫繁衍在遼者有隸正藍旗之通阿拉任喜峯口副都統其裔哈隆阿住藍旗移城內二道街任遼陽防禦候補佐領護理城守尉隸鑲藍旗之愛興阿御史及定保拔貢現任省政務廳長住石橋子隸正紅旗之誠允法政畢業現任吉林政務廳長代理省長住水泉隸鑲紅旗之慶元附生住三道壩傳十五世其住鷹房子白旗堡等村亦有顯者

馬佳氏 世居長白嘉里庫一世馬穆敦三世奇卜圖仕清從太祖入關有功授男爵六世克庫噶哈公爵至九世剛察色乾隆間任遼陽鑲黃防禦遂家焉子孫散處城內及新城高麗溝山藥堡黃柏峪等村十五世世安字海樓驍騎校子延喜字子元現任中國銀行行長二等大綬嘉禾章在遼已傳九世

佟佳氏 遼東有佟養正者其先爲滿洲居佟佳以地爲氏祖達爾哈齊以貿易居開原繼遷撫順天命初養正從弟養性輸誠清太祖及克撫順養正遂挈家并族屬來歸隸漢軍六年從征遼陽遂家焉汪提學灝撰佟氏世系圖序云佟舊爲遼陽著姓由仕明鎮國將軍達禮爲一世逮八世下三世中公四人國舅二人伯三人額駙二人文則內自侍郎至主事外自督撫至縣令武則內自都統至佐領外自提督至守府數百人不勝記康熙二年忠勇公國綱與佟佳氏諸大臣奉命攷訂支派叙列族譜請歸滿洲部議以佟佳氏官職甚多應隸漢軍惟國綱本支入滿洲正白旗於是滿漢分隸族大支繁清八大姓中稱最焉住遼者有漢軍正黃旗之佟漢源舉人佟炳麟庚辰進士內閣中書居城西南馬伊屯隸滿洲旗者散處於城北各村落無甚顯者至今滿洲傳十一世漢軍傳八世

瓜爾佳氏 有費英東者世居蘇完後隸滿洲鑲黃旗清太祖創業之初隨其父蘇完部長索爾果首率所部軍民歸清授一等大臣尙主從征諸國三十餘年身先士卒衝突



堅陣所向披靡性忠直敢言累遷至一等公世爵子十人六子索海以戰功累遷至一等輕車都尉七子圖賴亦以戰功至一等公又有吳巴海者世居烏喇後隸滿洲鑲藍旗清天命三年從征尼堪外蘭至崇德二年累功加世職一等輕車都尉晉三等子嗣子傳喀襲一等輕車都尉弟夏色姪錫漢分襲兩騎都尉皆子孫繁衍在遼者有隸正藍旗之通阿拉任喜峯口副都統其裔哈隆阿住藍旗移城內二道街任遼陽防禦候補佐領護理城守尉隸鑲藍旗之愛興阿御史及定保拔貢現任省政務廳長住石橋子隸正紅旗之誠允法政畢業現任吉林政務廳長代理省長住水泉隸鑲紅旗之慶元附生住三道壩傳十五世其住鷹房子白旗堡等村亦有顯者

馬佳氏 世居長白嘉里庫一世馬穆敦三世奇卜圖仕清從太祖入關有功授男爵六世克庫噶哈公爵至九世剛察色乾隆間任遼陽鑲黃防禦遂家焉子孫散處城內及新城高麗溝山藥堡黃柏峪等村十五世世安字海樓驍騎校子延喜字子元現任中國銀行行長二等大綬嘉禾章在遼已傳九世

喜塔臘氏 或譯喜他拉氏世居喜塔臘地以地爲氏昔清興祖后之父爲圖力吉都督  
顯祖后之父爲阿古都督至達格都太祖封爲國舅隸滿洲正紅旗世爲福陵章京品  
級

富察氏 原籍長白至檀都居沙濟之富察地方因以爲氏四世莽色德宜住乎之女爲  
清太祖之后以國戚從征至瀋遼間駐防隸滿洲鑲藍旗五世汪克巴顏任護軍校卒  
葬東京陵遂家焉三弟阿克占欽留爲沙濟城主四弟阿都氣任都統六世阿泰爲孤  
倫城主阿蘭泰隨駕入京仕至武英殿大學士贈少保兼太子太保諡文清哈錫屯歷  
任太子太保議政大臣內大臣諡恪僖七世富壽安文清子仕至大學士密思翰任議  
政大臣戶部尙書諡敏果至十五世文光文慧均筆帖式十六世檳閣字雅軒由監貢  
生歷任太常寺筆政光祿寺署正山西候補同知現住東京陵傳十七世其隸鑲黃旗  
者住東沙坨子有治安舉人國子監博士恒安優貢族孫瑞卿附生其隸鑲紅旗者住  
城內有雙英東洋陸軍畢業任東北陸軍二十二師師長住排房有蔭普山西補用知

縣蔭清江蘇補用知縣蔭徵鳳凰城防禦均傳十餘世

納拉氏 或譯那拉氏世居長白輝發由一世星武里歸清隸滿洲鑲紅旗十一世那善任奉天佐領城北音德牛彘有全成字貫一護理城守尉已傳十六世

鈕古錄氏 初居長白山後散處都英額至五世額亦都歸清隸滿洲鑲黃旗佐太祖征討所向克捷賞賚有加並納其女爲太宗妃子孫先後尙主者五人卒封弘毅公配享太廟配五人子十七人七世蟒愛由長白穆村依古嘉當移至遼陽東京陵隸鑲藍旗十二世宗林北京高師畢業現充樂亭稅捐局長在遼已傳五世現冠漢姓爲郎氏

舒穆祿氏 有郎柱者世居渾春後隸滿洲鑲白旗以庫爾喀部長與弟汪善歸清子揚古利尙主以功授超品一等公世職朝鮮之役以礮傷卒於軍追封武勳王汪善從太祖取遼陽入宿衛奉令駐東京陵候旨聽選及歿遂葬焉勅封都督居城內者有雍福字堯封歷任各城倉稅官以慈善著子德英舉人德元拔貢住東京陵者烏藍保筆帖式曾孫伊禮實主事溫哲渾筆帖式傳十五世現冠漢姓爲徐氏

烏蘇氏 有吉思哈者世居瓦爾喀馮家屯與弟吉普喀達歸清隸滿洲正白旗天命四年從征授輕車都尉世職累遷至吏部參政吉普喀達亦以功授三等輕車都尉世職天命六年戰死贈二等輕車都尉世戰駐防遼陽者順治初有孟吉納者卒葬於邑南遂家焉因以穆家故名其村孫穆清格康熙間爲山海關城守尉其隸正藍旗者住桑園子有依隆阿驍騎校寶銓防禦崇禎防禦慶雲倉官祥溥筆帖式熙麟拔貢住新城者有柏常阿筆帖式有致和奉天被服廠庶務主任住望寶台有桂馨防禦住城內有霍隆武鑲白旗防禦護理城守尉子霍端裕法政畢業均傳十餘世現冠漢姓穆氏

尼馬察氏 有專突者由長白從清太祖征討世祖定鼎駐防北京二世阿克偏武移居遼陽子孫散處城內及新城長嶺子陶官屯沙坨子等村八世毓綸字朗川舉人錫庚字澱臣舉人漢字堂主事九世文萃子蒼齋附生鳳城教官文治字雨臣附生已傳十世現冠漢姓張氏

約哈那氏 世居長白那家溝一世丕滿從清祖入關二世馬爾濟順治間任奉天鑲藍

旗佐領遷遼陽城守尉遂家焉三世五格世襲雲騎尉五世虎什布世襲雲騎尉現住  
新城者有永清世襲雲騎尉雙瑞字輯五世襲恩騎尉與清相那桐同譜傳九世

依爾根覺羅氏 有格立必者由長白以護軍校入關駐防北京二世格里勤三世沙洪  
均護軍校順治間由京移奉至五世編伍移遼陽散處於新城天河泡等村十世煜綺  
筆帖式煜堂戊寅歲貢煜岳字光普遼陽正藍旗防禦奉天法律別科畢業已傳十二  
世住東京陵者有隸正藍旗之璧拉什由長白汪肇溝移來十一世文荃字香圃舉人  
十二世誠格字存甫東洋宏文畢業誠恕字敬甫高師畢業鴻聲警官學校畢業歷充  
署長隸鑲藍之穆哈達由長白穆溪地方移來八世多倫字文閣內閣中書加四級保  
用內閣侍讀傳十世現冠漢姓趙氏族大支繁

巴雅拉氏 世居長白清初從龍入關隸滿洲鑲白旗由一世希得庫任遼陽鑲白旗校  
政遂家焉阿林保昭陵防禦六世慶山遼陽旗倉倉官純德熊岳防守尉候補協領誥  
授武功將軍七世桂森字秋巖舉人進士謄錄戶部筆帖式委主事晉授承德郎桂馨

字月亭饒騎校桂雲桂榮皆庠生八世永貞字佩珩丁酉拔貢依綿驍騎校法政畢業九世毓麟陸軍講武堂畢業現任十二師中校參謀長皆散處於新楊林子大螞蜂泡等村已傳十世現冠漢姓白氏

完顏氏 世居完顏地方金裔分隸各旗留奉者惟鑲藍旗滿洲爲著五世楊保誥封昭武都尉七世佛爾果春生員考授筆政升員外郎八世呈瑞字輯五辛亥舉人子攀桂舉人官至御史居城南杜家窪子傳十世現居本城及腰截子汪家峪皆有其族裔冠漢姓汪氏

撒哈拉氏 有慧者世居蒙古撒哈拉清天命初烏斯藏大喇嘛法師幹祿打兒東遊蒙古諸部率蒙古撒哈喇十三戶百家來遼慧與焉從太祖克遼陽順治五年隸內務府充差駐防遼陽住城南陳家台者至十世春溥字博泉丙子進士翰林院編修文淵閣校理弟春融癸巳舉人歷任推事綏遠知州民國十三年被選爲省議員子紹志字式毅己酉拔貢朝考一第一名小京官現充哈埠特別區長官署教育科科長住喇嘛園



者至十一世奎光字書五號珠泉由舉人補用知縣歷署東平新泰壽張各州縣有政聲科興額字瑤階壬午舉人就揀知縣已傳至十五世住柳木溝者有奎武字福亭子麟瑞現充區長冠漢姓許氏

巴雅拉氏 有色布勒得克者康熙三十一年由喀爾喀隸岫巖蒙古鑲黃旗巴爾虎世職佐領二世漢都世職因事歸公四世阿于什乾隆初由校政升遼陽佐領遂家焉居邑南達子營九世恩厚世襲雲騎尉題署正紅旗防禦十世鍾麟字夢尾知湖南嘉禾縣事鍾毓字曉峯丙申進士夢尾長孫世昌現肄業於東北大學傳十二世現冠漢姓白氏

哈扎力氏 隸蒙古鑲黃旗住麥山子者有志熙字斗山舉人國子監博士子英斌字伯俊邑庠生又有住鵝房等處者均冠漢姓韓氏

石氏 有石廷柱者原姓瓜爾佳氏先世居蘇完曾祖布哈明成化中任建州左衛指揮僉事祖阿爾松阿襲職父石漢避讐於遼東遂以石爲姓廷柱有二兄國柱天柱天命

七年以守備獻城隸漢軍累功至三等伯世爵贈少傅兼太子太傅諡忠勇子華善授和碩額駙爲石漢修墓於遼陽東門外里許子孫顯達家隨仕轉邑中因無著姓

楊氏 其先山東沂水縣人徙遼陽隸漢軍讓白旗至宗仁官至湖廣總督子文乾官至廣東巡撫孫應琚歷官河東西甯道甘肅按察使甘肅山東巡撫兩廣總督乾隆二十年以陝甘總督拜東閣大學士族大枝繁詩書繼美其以文學著者有扶九洗馬萬程補籬先生天樞復菴太守天寵敬齋大令師震逸菴司庫永清已傳十餘世現多移居北京

徐氏 有徐國相者字行清隸漢軍正藍旗住城東北山藥舖順治十二年由貢生授戶部他赤哈哈番歷官至安徽巡撫湖廣總督有一代偉人之目子岳官閩中知縣至今子孫繁衍傳十餘世各處散居

張氏 隸漢軍旗住城西繡江堡子傳至玉綸字君掌號繡江道光壬辰舉人子寶琪巡檢次寶珩舉人孫平格進士傳十餘世族多散處

劉氏 有劉成貴者天命初年由京東河西塢遷至邑西劉爾堡易名爲新劉堡嗣以長子移居馬家屯惟次子景龍居此因改呼爲劉二堡子遂沿用焉至德壽字介堂業商樂善好施一方利賴咸豐初歲屢歉輒施急賑事聞議叙五品封典鄉鎮僉稱善士至治安字策臣少孤性孝友多義舉於水旱兵燹中全獲無算卒鄉耆私諡曰仁惠至恩格字鯉門法政畢業曾被選衆議院議長至今傳十餘世稱大族焉

王氏 其先世居河南康熙初徙居邑城內以醫濟世人稱王善人長子縉深州學正次子組雍正進士歷任甘州涼州知府縉子爾烈乾隆進士仕至內閣侍讀以大理少卿致仕其族城鄉皆有之

王氏 嘉慶間有世芳者遷自山東慨慷樂施及歿里人爲立祠建碑私諡貞惠子九人君炤歲貢煥辰附貢官知州熙辰附貢煒辰拔貢官知府孫福謙優貢德謙舉人巽謙知縣今其曾玄孫等世有顯者猶能以書香綿世澤云人以其宅第仿河南式皆稱爲河南院其族散居四鄉者亦復不少

李氏 有李翹林者原籍直隸昌黎清順治八年來遼居城南風水溝世業商傳至毓芬字香圃由附貢候選知縣起家酒酷致富歷辦救災恤孤興學各義舉皆自己捐貲族孫寶賢現充教養工廠廠長英奇現任黑龍江呼嗎縣知事其餘族人散處城鄉可稱巨族

張氏 族姓徧於城鄉往往數戶或十數戶之村皆有張氏族焉民籍張氏之著者城西南揚氣堡張桂林字丹崖任海城訓導子斗垣漢教習孫魯塵邑附生三世書香又長林子張景純歲貢子鍾彥孫鴻薦鴻志皆邑庠生皆族大支繁其餘不備錄又清初張大猷隸漢軍以功封三等子世職子孫多顯達今其後裔不可考矣

高氏 清初萬斌世居本邑始隸漢軍雍正間改隸滿洲諡文定孫高杞之女爲慧賢皇貴妃其後裔已不可考然現居境內高氏多漢軍人住邑南禮備溝高元順世襲雲騎尉居邑東南達連河高觀宸舉人居南新堡高進化師範科貢生皆係大族隸滿洲者住城北房身高毓衡副榜族亦不少其餘散處各鄉不可悉紀

王氏 原籍陝西西安府長安縣順治八年有庠生夾輔遷奉入遼陽州豐盛社九甲卜居於城西門裏小什字街南雙井造房一所舌耕爲業二世之臣字子廷康熙間廩貢生直隸州薊州訓導工書法懷王寺正殿額署雁雲堂三字西門外關帝廟戲樓額署摘錦樓其真蹟也三世謙字六吉康熙間增生傑字萬一康熙間廩生四世德純字景文號穆齋乾隆辛酉拔貢建德縣知縣五世瀚字匯川監生六世輝鼎字兆先庠生七世福綸字雲鵬嘉慶壬申拔貢仕至內閣學士太僕寺少卿福續附貢生福綬字印潭道光甲辰舉人武清縣教諭書法擅長關帝廟之建極扶清殿其遺蹟也煒堂字東橋光緒甲申歲貢八世丙炎字午亭歲貢丙南字午軒附貢貽穀庠生九世化春字雨帆光緒丙午優貢籤分陝西補用縣丞十世錫嘏字叔純講武堂畢業現充東北陸軍騎兵第十六師中校參謀族大枝繁除住城者外尙有住鵝房沙河石橋子二道溝二台子及遷往北省者

禮俗志卷二十五

禮教之興所以範圍人之身心而不越者也顧秩祀迎春耕藉鄉飲諸典自邦國達之郡縣因革損益與時變通國無殊禮各縣同之所不同者禮俗耳記曰禮從宜因俗制宜法所不禁也惟積習相沿或戾乎禮之本意其漸亦不可長被髮祭野識者憂之茲採民風及婚喪雜祭各儀節略爲分列以便採風者擇焉述禮俗志第二十五

民風

漢書地理志云遼東地廣民稀箕子教其民以禮義田蠶織作其民終不相盜無門戶之閉婦人貞信金史云舊風淳直其祭天地敬親戚尊者老接賓客信朋友禮意欵曲皆出自然元志云性悍善騎射明一統志云人多僑居俗各異好又云人性淳實務農桑習文禮盛京通志云遼風淳朴箕澤未湮又曰質直少文剛毅不撓其天性也士大夫無驕泰侈靡之習閭閻勤儉而畏法行者不齎糧而雜黍之誼必篤父兄對賓客子弟侍立執杯勺必恭家庭無詬諍市鮮喧呶又曰勇悍喜騎射淳樸力農又曰農知務本士頗橫經

按謹



以上係指遼東全境而言似非本境一邑所能吻合然今日之遼由府而州而縣面積固狹昔日之遼由郡而都而路而衛面積實廣固未可以轄境改革而沒其古風也

觀歷代史乘所載民風已可

概見然世運升降民俗不無變遷安知其今不異於古所云耶查縣境東南部多山民情質樸多務蠶桑林業習於樵採西北部遼河一帶民性聰穎中部平原民多厚重耐勞全境男尚廉恥女守貞信均以勤儉自勵四民之中農居大半工商次之士又次之士無驕習農無惰容工商各以信義自守維新以來上流社會漸染浮靡下焉者日漸偷薄中小畢業生半舍本業而習爲吏此其弊也惟男多剪髮女少纏足實業教育寢見發展漢滿蒙三族互婚畛域化而文明啓亦足取焉

### 婚娶

禮經昏義有六曰納采問名納吉納徵請期親迎是也本境猶沿用之特習而不察反忘禮之所從出矣查男女結婚先由媒妁介紹兩家父母互先探看訪詢即古問名之義然後求庚卜吉俗謂合婚即納吉也婚議既定男家備布帛簪珥之屬偕媒妁親至女家行定聘禮是日兩家歡宴易杯而飲俗謂換盅又謂會親又謂放定

緣有寒家不治酒席而行裝奩禮者又有世家設席不換盅而互換

婚書者舊儀

曰龍鳳柬

即古之納采也

古納雁以為  
采擇之禮

屆應婚之年男家議娶邀術士選定吉日用紅箋書男

女年庚嫁娶日時及從俗禁忌並納聘日期於兩月前擇吉邀媒往告俗謂通信即請期

也及屆聘期男家備猪酒服飾等物

富者雙猪雙酒貧  
者減半或折銀錢

納之女家俗稱過禮又曰行茶又訛稱

納采實納徵也

納徵者納幣以為昏姻之証也徵  
又成也所以成其信而不渝也

是日女家將所受猪酒祭告祖先邀集戚友族黨

設宴會飲戚友等各出銀錢首飾以贈名曰助妝又稱奩儀親迎前一日女家送妝奩什

物於男家曰安嫁妝現行結婚禮皆在上午

按此義與古不同禮昏義疏曰昏者娶  
妻之禮以昏為期取陽往陰來之義

男家備彩轎或彩

輿燭馬鼓樂前導新婿同喜僮

通常四人或二人多者六  
人或八人貧富繁簡不同

俗名娶親客娶親娘

一人至  
二人

至女家親迎

取男先於女之義新婿登堂拜女父母俗名謝親即奠雁也

古奠雁禮謂婿親受  
室於女之父母也

女家贈婿多

金並以酒設欸婿畢婿升轎或馬前行新婦以紅巾蒙首弟妹行挽扶升轎女家亦用喜

僮人數與  
男家同

俗名送親客送親娘護送路間過井墓廟宇障以紅氈避邪衝犯及至男家候吉

時下轎紅氈鋪地新婦踏行其上至堂前設喜桌曰天地桌新人交拜訖新婿引婦入室

至門闥揭去蒙首紅巾新婦携寶瓶入洞房向吉方端坐名曰坐帳又呼坐福喜娘為新

婦加髻俗呼上頭女家以男家酒穀肆筵歛婿俗謂館小飯即館甥遺意是午男家開盛筵來賓戚友各出銀錢贈婿家曰喜儀至夕新婿與新婦飲交盃酒吃合喜麵即合香禮也翌晨新婦拜先祖及舅姑以次拜宗族前輩俗謂分大小即質明見舅姑禮也戚友族黨各贈新婦以資或飾物曰拜儀四日或七日女家接女及壻俗謂回酒即反馬也踰月新婦歸寧謂之住對月此舊式婚禮之大略也惟親迎之禮需費多金富家行之中產以下皆女至婿門始俟著俟堂而已近年士紳多做西式行文明結婚禮但舊儀相沿已久仍難盡除不過畧事變通焉耳至平民則悉仍舊制再查漢滿蒙婚禮原各不同迄民國成立漸歸一致其相異之點業已廢除故不贅叙

回教婚禮至簡先由冰人撮合兩家同意將聘儀名色詳註紅箋以爲証書結婚用主麻

日

即曆書之牛  
婁鬼亢四日

請阿訇誦經用亞拉伯文字寫立依扎卜

即婿  
書

無拜天地各儀節餘與漢教禮

同

喪葬

喪葬之禮多沿舊制繁簡不同各視貧富之力爲之當疾革時昇置牀上子孫環守俟氣

絕主喪者長子主之長子故長孫主之出戶登高而號者三俗曰指冥路誤也即古之皋復也禮喪大記載

履危北面三號註履危立於高峻之處蓋屋之脊也三號者一號於上冀魂自天而來一

號於下冀魂自地而來一號於中冀魂自天地四方之間而來皋長聲也其辭則皋某復

也釋其義即招魂冀復生也今日曰指冥路是欲親之去也親氣甫絕而欲其去人子之心何安故云誤號畢反室視親不復生方以錢納口以鎮惡氣以紅

絨籠兩臂及足以防誤動而魂難歸來也男停中堂曰正寢女停內室曰內寢靈頭陳飯

一盂插著三枚上端各裹新綿即古屬纊之遺意也纊新綿也屬之口鼻觀其動否以驗氣之有無也今不行此禮而但置綿謬矣足下燃燈

一盞然後以襲歛之即古之小斂歛畢以帛蒙面即雜記設胃之遺意註恐尸像形見爲人所惡也復用人

携壺漿燈籠導於前子孫隨之至附近神祠焚香化楮哭而返俗謂報廟每日早午夕三

次至大斂止釋其義即人子哀求神道俾返親魂之意延術士開具死者生辰回煞及含殮應需應忌各事粘於壁

謂之開殃榜喪主寢苦枕塊食疏粥不如葷即日通知戚友弔者至喪主稽顙而拜家屬

拜而後稽顙謂之行孝三日納尸於棺亦有次日或二日者非禮也不錄即古之大斂禮三日而后斂者以俟其生也三日而不生亦不生矣孝子之心亦益衰

矣家室之計衣服之具亦可以成矣親戚之遠者亦可以至矣故舉人斷以三日禮制也

停柩在堂子孫環經於側柩前設盂一每食貯飯少許即

儀禮設熬之義並置長明燈照祭饌也子孫朝夕哭奠焚化紙箔謂之焚冥楮大歛之日

日晡時具塗車芻靈鼓樂前導僧道誦經喪主捧帚引魂詣神祠焚化祭畢而返謂之接

三 釋其義即佛來接引之義

又謂送行七日黎明設祭於庭子孫向空哭奠俗謂上望蓋取七日來復並

梵經所載望鄉之說自是每逢單七日皆有家奠謂之辦期至七七而止百日亦如之卜

期啓殯每在五七七之間先期延術士擇定殯期印成訃文註明亡人生卒年月日時

及開弔發引日期遍致戚友葬前三日開弔喪家紮棚張樂建醮置銘旌於門外戚友贈

輓聯祭幛皆懸棚內或有送祭桌贈賻儀及香燭紙供者弔者至喪主奉腰經於男首經

於女謂之散孝授受皆拜有服者辭次日延僮禮祭請有德望者為題木主

考之禮既葬而虞祭虞度也度親魂

於此乎於彼乎於是招魂書木主奉之於廟俾有憑依也且今俗題主喪主釋服從吉喪未葬而從吉亦非禮也

曰成主發引前一夕家祭畢戚友以次祖奠謂之

辭靈齋醮竟夕謂之坐夜

即不忍遽別之義

翌晨發引銘旌前導儀仗隨之喪主執旛行於前女眷

乘輿哭於後親戚諸賓步送出郭或出里門喪主稽顙謝賓乃還路間或有攔轡致祭者

及入塋祀后土畢就壙正其方向喪主以襟兜土掩棺者三助葬人始各築土起墳各冥物悉於此時焚化喪主率家人設奠哭之盡哀乃返葬後三日詣墓哭奠培土於塚曰圓墳百日復詣墓哭奠小祥大祥亦如之此舊式喪禮之大畧也惟世家多行之餘邀方外醮薦則曰經殯邀畫工紮車馬人等事臨葬焚之即古之芻靈其尤簡者接三後即葬別無儀文滿蒙喪禮昔雖稍異今漸一致故不贅

按喪葬凶禮也今中晉以上之家皆備鼓吹諷經旌幟笙吹如同吉禮孔子曰喪與其易也寧戚今失之矣

棺如匣葬時撤其底屍自就壙謂亡人靈魂飄

蕩無依奔土如奔金故無論貧富停喪不逾四十八小時即葬吉凶無所忌謂生不選日死不擇時惟通知回教各家均沐浴送殯葬後七日百日仍請阿訇誦經無四時墓祭等

事

### 祭祖

祭祖之禮漢與滿蒙不同漢人世家大族皆立宗祠歲時致祭備牧牢陳俎豆獻帛脩食如儀至庶人則奉木主或宗譜而祭於寢不過薦其時食已耳滿人則設神版神竿祭以



特豕黎明陳几於地置牲於楹主祭者焚香迎神灌牲耳以酒牲鳴謂之領牲猶言神已領牲默示歆享之義然後牢牲獻生薦熟如儀蒙人設影神位又稱曰佛凡食新及瓜果蔬菜皆祭此常祭也惟兄弟析居自立佛像或子爲父母立像之始方行大祭祭時先祭天地然後於影神位前行領牲獻生薦熟各儀節其或家貧不能備禮竟至廢祀未免忘本矣近來滿蒙祭禮多不講求漸同漢儀故不詳註

### 鞭春

先立春一日守土官率屬迎春於東郊至日依頒行時刻公服祭勾芒神以杖擊牛三匝如制今雖無明文停止而久已弛廢矣

### 耕藉

仲春奉部行耕藉日期守土官率僚屬耆老詣先農壇致祭畢更衣至藉田行推耕禮農夫受以終畝如制今停僅農民自行諷吉於田間行禮俗曰試犁

### 鄉飲酒

歲以孟春望日孟秋冬朔日舉行於學宮講誥讀律歌詩一遵會典今停僅民間行宴會之禮正月例宴曰春觴臨時如洗塵祖餞等無定期主人具柬邀賓屆時賓至主人肅客堂下揖讓而升有古禮主人拜迎賓之義賓齊設筵主人請賓入座或以齒序或以主賓陪賓序主人酌爵獻賓賓酢主人然後啐酒成禮

### 祝壽

高年初度戚友等贈以壽桃及酒麵額幃等物士紳之家間有以詩詞對聯慶祝者是日主人設禮堂供奉壽星賓友至禮堂行禮主人由子侄等答禮并設筵款客俗曰作壽

### 生子

生男懸弧於門左生女設悅於門右此古禮也三日浴兒謂之洗三是日吃喜麵與產婆以洗兒錢七日通知母家謂報喜母家及戚黨各贈鷄卵豚蹄面粉等物曰下乳彌月母家以花冠繡襖服飾玩具贈小兒曰作滿月其他親友各贈以資主人設筵款客曰湯餅會俗曰吃滿月酒至百天母家贈饅首百枚曰蒸百歲贈歲百枚曰百歲錢週歲試兒男

用弓矢筆墨女用刀尺鍼縷及珍寶玩物置兒前任其自取以觀其志名 晬盤惟摺紳  
家行之

### 繼嗣

無子之人商允以某人子承繼訂期邀集族長以下及村長親友說明原委立有証書由  
繼子本生父母及族長等以次畫押然後祭告祖先禮成受賀主人設筵款客近來間有  
依民法程式遵行者

### 築室

梁棟既架親友以綵布毡氈等搭梁致賀主人酬飲俗 上梁酒又有俟修造完畢而以  
傢具等贈送者曰賀房

### 開市

舖面初設以綾屏喜聯綵布鐘表等爲賀儀主人受賀留飲

### 遷居受賀

久病忽愈受賀

僧徒落髮道丁冠巾受賀

宣講

舊制地方官到任及朔望均有宣講定例奉行維謹清季漸弛民國以來改設講員分任今又弛懈

按舊儀尚有朝賀受朔賓興救護日月朔望行香諸端儀節與省會同今并停不贅

歲事

依舊歷

正月

初一日爲歲首現改春節咸取順利戒惡言時方交子俗謂新神下界家家衣冠致敬凡天地竈神祖先位前各焚香燃燭然後設香案於庭陳祭品焚紙馬誦祝詞鳴爆竹曰接神禮畢煮水餃食之謂元寶湯食已查歷書出門向財喜諸神方位而行轉至附近廟宇焚香叩拜曰行香回乃安睡黎明起長幼以次叩拜謂之賀歲族黨戚友來拜亦往答拜

由元旦迄初五日於所供神位前

民供天地祖先龍神商  
供財神工供財神祖師

有行長香者有朝午夕三次行香者均

拜跪如儀又有於初三日五更行送神禮者近多廢止惟此五日內家家飲食從豐內庭

忌掃除水不外潑諸事四民及漢滿蒙大致略同

初六日勤儉之家令子孫操作工商晨起燃爆竹開市櫃夥不用者遣

初七日爲人日家家食年糕言能益壽

十五日爲上元節俗呼元宵節又名燈節由十四迄十六商民皆張燈火間有奏管絃者

街市演雜劇如龍燈高躡獅子旱船等沿街跳舞俗謂秧歌即古鄉儺之義十五爲正節

是夕燈火花炮倍盛有星橋火樹之觀遊人雜沓穰往熙來夜分乃止各家均食湯圓謂

之元宵鄉民送小燈於祖墓兒女戲作麪燈十二

閏月  
照加

以下某月旱潦并分置暗處照除

不祥又燃元旦殘燭繞宅徧照以免竊盜比戶皆然即古所謂照虛耗也

二十五日爲填倉日農家及糧店皆以梁薰心作小耒耜盛飯一盂并納倉廩中焚香拜

祭俗謂填倉三日乃撤或二月二日撤

二月

初二日為龍抬頭日

時當驚蟄前後為龍蛇始振之期

各家庭中撒灰道由大門撒出至井堰止俗謂領龍蒙

人復移几院中陳香燭供品向空致祭名澆雁過酒是日多食春餅至夜燃燭於室中暗處名為照蟲燭

初十日為花朝百花生日也花園設花神位焚行禮

十九日為觀音寺會婦女多赴寺燒香叩拜

三月

清明日俗為鬼節家家掃墓插柳今改植樹節成就隙地栽樹又前一日為寒食節取禁烟之義

初三日為上巳日

按古三月第一巳日為上巳如上丁上戊之類後人改為三月三日

古人修禊之期人多至郊外踏青

二十八日為天齊廟會

四月



初八日爲佛誕節

按佛生於周昭王二十四年四月八日周歷建子

即今二月八日也茲仍註四月八日者係從俗

十八日爲娘娘廟會

即碧霞

元君廟

婦人無子者多於是日禱之

二十八日爲藥王廟會藥行焚香行禮休息一日

### 五月

初五日爲端陽節今改夏節家家食角黍飲雄黃酒簷端插艾以辟疫癘小兒繫五色線於臂謂之長命縷午飯飲食從豐商民午後休息半日

十三日爲關帝廟會俗謂雨節如亢旱成於是日屬望之

### 六月

初六日爲蟲王會各村皆舉辦是日宰牲致祭父老相聚歡飲兼立青苗會選定看守禾稼者又爲曝書曬衣之日

### 七月

初七日爲乞巧節陳瓜果於庭兒女穿針乞巧是夕爲七夕俗謂牽牛織女二星相會烏

鵲填河以渡之

見荆楚歲時記

十五日為中元節又曰鬼節家家掃墓是夕僧道建醮曰孟蘭盆會放河燈以超度柱死之魂

八月

十五日為中秋節現改秋節午飯從豐月初升時陳瓜果月餅於庭焚香叩拜以祭太陰俗稱供月

九月

初九日為重陽節携酒登山俗謂登高

十月

初一日為下元節亦稱鬼王節家家掃墓焚冥楮曰送寒衣

十一月

冬至日現改冬節以麵粉蒸饅首食之謂之蒸冬又製消寒圖以誌風雪陰晴

十二月

初八日爲臘八日以黃米爲粥曰臘八粥

二十三日俗稱小年是夕以糖果祀竈畢捧神牌跪焚行禮謂之送竈凡家僱長工悉以

此日爲滿踰宿得遣去

按荆楚歲時記二十四日爲醉竈日約於寅刻行之愈沿愈早遂以二十三日夕

除夕日

大建三十日小建二十九日

是爲年關家家貼新畫春聯掛錢祖先天地竈神皆陳供品并設香斗

供奉諸佛神紙馬陳香燭果品及壓歲錢主人焚香叩拜俗曰安神是夕燒香燃燭靜坐不眠曰守歲長幼以次叩拜曰辭歲至子時接神則舊歲去新年來矣

按農工商人等終歲勤動每值四序節令稍有休暇相與燕飲爲樂如元宵端陽中秋臘八等日藉以節勞以及清明下元節祭掃先塋不忘報本未爲非也惟各廟會場如子孫娘娘天齊藥王觀音各寺院愚夫愚婦迷信禍福之說匍匐奔走冀以求嗣邀福又或元節觀燈酬神演劇男女雜沓廢事曠時殊屬敗壞風俗有化民之責者但能隨時禁戒革而除之則造福社會爲不少矣

## 神道

傳曰聖王先成民而後致力於神敍列禮俗先及民風次宜不遺神道顧今日文武二廟之禮祀著爲國典禮制尊崇不可儕諸雜祭茲僅就昔時所有與今俗所沿者雜列於左已可見迷信之未能破除云

## 城隍

其神主厲壇之祀清時守士官於執行犯人後交魂於城隍廟畢方回署今此禮已廢禮天子大蜡八水庸居七即城隍也南齊書慕儼傳有守郢禱城隍焉唐張說張九齡杜牧皆有祭城隍文唐封以王爵至宋其祀遂徧天下明時去廟爲壇加以封爵旋去爵改定爲某府縣城隍之神後又改爲廟祀設座如長吏狀本邑於四大廟之城隍廟設木像每年七月十五月一日昇像出巡並塑城隍神像與城隍太太像云係某氏女嫁與城隍殊屬荒誕今祀廢而廟毀矣

## 龍神

歲以春秋仲月諏吉致祭按會典除四海江河大川各州縣有專祠外餘無祀川神即龍神也清時每歲通行各省祭祀日期卽有祀龍王月日守土官奉行亦在祀典今停祀僅民間歲首燒香旱時祈雨而已

### 馬神

歲以春秋仲月甲戌日或庚日致祭周禮校人春祭馬祖夏祭先牧隋用周制祭以四仲之月唐宋因之明洪武二年改爲春秋二祭五年併諸神爲一壇歲止春祭永樂十三年立馬神祠清無明文然遼邑馬神廟旗署主其祭廟會時人民亦有燒香者今祀廢而廟已改作學校矣

### 火神

其神祝融爲南方火德之神附近居民朔望日每往神祠焚香

### 衙神

奉蕭曹像舊時縣官遇朔望日詣署內衙神廟行香今停

獄神

奉蕭曹像舊時獄官朔望日謁廟行香今亦停

山神

本境東南多山供奉山神以鎮虎狼及各猛獸居民歲時奉香火今仍舊

土地

土地古之社神也鄉村中皆建此廟凡喪事報送行均在此處

七聖九聖

七聖以火神爲主配以藥王蟲王苗王牛王馬王財神爲七聖祠以龍王爲主去火神益以山神土地爲九聖祠朔望村人焚香拜謁遇雨暘時若禾稼豐收或演劇酬神

觀音

有文殊普賢萬善南海大士諸名號世稱爲菩薩謂能普渡衆生拔苦救難各寺觀中皆設像奉之鄉村人戶婦女信奉者尤多或朝夕焚香或朔望或菩薩齋期不等



張仙

居民或患生子不育率皆供奉張仙其像手張弓以射犬謂其能驅除天狗則嬰兒可保也世俗之愚可笑

呂仙

道家呼爲純陽老祖類皆設像供奉鄉民宅內亦間有之或朝夕焚香或朔望不等

竈神

禮月令孟夏祀竈淮南子汜論訓炎帝作火官死而爲竈神後漢陰興傳陰子方臘日晨炊而竈神形見因以黃羊祀之雜五行書竈神名禪字子郭周禮大祝掌六祈二竈本邑居民皆奉竈神於炊室朔望或朝夕焚香至十二月二十三夜間供以飴糖焚其像謂之送竈

門神

禮月令孟秋之月其祀門門居五祀之一風俗通上古之時有神荼鬱壘昆弟二人性能

執鬼蔡邕獨斷十二月歲竟乃畫茶壘並懸葦索以禦凶居民各家皆貼神像於門即茶壘也朔望日往往焚香門旁無專祭

### 祈祀

亢旱時守土官諷宜祭之辰率屬詣神壇前祈禱禁屠宰鄉人於龍神廟前祈禱如約期不雨便昇龍神牌各處告求謂之祈雨

### 報祀

既雨而守土官率屬公服詣壇行禮鄉人則備香楮猪酒赴廟致祭間有唱影演劇者俗曰謝降

### 愿心

愿心者因事或病祈禳獲神佑如其心之默許以報酬之也或焚冥鏹文疏或宰牲致祭或掛匾諷經或裝璜神像或唱影演戲又有小兒病許替身者或許跳牆僧者鄉間婦女多具此信心焉



宗教志卷二十六

中國孔子集羣聖之大成以儒立教萬世宗之然不以宗教名也漢唐以降佛老爭鳴金元及清起自北方崇佛尤盛故遼陽一邑祠廟遍於城鄉洎清中葉基督天主之徒遠涉重洋來茲傳教者亦復不尠民國改革予人民信教自由夫亦曰各尊所聞各行所知一任並生並育於天地間勿庸樹敵相爭而已述宗教志第二十六

佛教

達摩渡江爲禪宗第一祖高麗據遼佛教流入遼東高麗僧一然其最著者並遼金以下各代皆佞佛沿用唐開成舊制置僧官見諸史志者遼金各京府有都僧錄明清有僧錄司掌管諸僧金南陽郡王張浩兄慧休大師官東京管內都僧錄世宗母貞懿李后母家遼陽祝髮爲比丘尼曾以內府金錢三十萬建清安寺寺址在今城外西北隅寺僧善英徒僕數百人有資鉅百萬厥爲教中九代祖世宗即位又擴其舊制廟貌極一時之盛則當時之崇尚可知也自是佛教風行由城市以及山林幾於莫不有佛寺而千山五寺尤

特著名高僧雪菴普安洪光咸云得道其徒皆奉爲老祖其教旨不外死生輪迴天堂地獄諸說亦寓有警俗之意然彌近理而大亂真矣信其說者童男女或害病輒於某寺許替身謂可免天死是即梁帝捨身同泰清帝貯名金奔巴瓶之故智愚之甚矣佛教之支流以衣色別爲黃紅白青本境城南蓮花寺有天聰六年碑載白大喇嘛由烏斯藏越蒙古境率百餘戶歸清太祖賜以莊田奉爲國師白衣僧也其後無傳城西水泉喇嘛園紅衣僧也其餘各寺住持皆青衣僧近今其教稍衰各寺僧侶不過數名如城東慈航寺棲雲寺千山之龍泉中會等寺清初皆賜衣糧占有田產現亦日就陵夷矣其中有識之僧倡立佛教會於城內並附以僧立學校計入會寺廟猶有八十餘處云至於城內長安寺西關子孫堂城南老洞沙河向陽寺東甕城觀音菴各尼愈形消極矣

### 道教

其教祖爲老子道家奉之爲老祖以清靜無爲爲主旨斷塵茹素爲行修奉其教者蓄髮峨冠寬袍一如漢唐之服制清代理部設道錄等官主管道觀各事千山無量觀爲本境

道院之大者道士不下百餘分任觀內外治事勞工一切事務一如農家者流其他如五龍宮慈祥觀青雲觀南泉菴皆係道院其徒或朝夕諷經或耕田樵薪以自給惟人數較少耳近百年來入廟道士大半因病或因事故其中明曉道經之微言奉若金科玉律者寥寥也至鄉僻之道院及游方之流更不足數矣女子入道者曰道姑其人不數見此外有蓄髮垂辮妻子不持齋與常人無異謂之夥居道清代充道丁差辦喪之家或有招之諷經者則盤辮綸巾儼然道貌謂是能消人生前罪孽死後可免地獄諸苦迷信者其愚不可及矣

### 基督教

基督教即耶穌教其教義講平等非若天主教有教皇之尊嚴有神甫之束縛攜眷傳教不講獨身主義信者稱便風行各國後天主教而入中土光緒初年英人李雅各始來遼賃屋傳教光緒二十年中日之役被戕於吉林兵因仇視日人而波及於他國之傳教士殊無謂也嗣後卹款完案所賠之款李雅各之父盡數捐於遼陽教會助修醫院禮拜堂



先是光緒十三年建修教堂一所於東三道街又於六道街建修醫院一所大夫吳阿禮施醫熱心治療貧人患疾概不收費庚子之亂被匪燒燬議和後賠償鉅款泊光緒三十二年重修其分設之傳道所本境城東大安平大屯子達子堡黃堡東山堡城北溝子沿上崗子城西南沙河劉二堡城昂堡姜家坨子城內奉教者四百餘人城外一千五百餘人現在住城中之牧師爲英人德教治到遼陽三十六年其人頗講道德待人和藹絕口不言人過教友有負之者亦不與校且不念舊惡立有文德中學高初小學育才女學四鄉立有初小學校數處其內子在文德中學教授英文其樂育人才之心求之於近今誠不多見未可以異國人而歧視之從前本城缺英文教習方牧師立德在第一民立學校及東師範學校教授英文純盡義務徒步往還風雨寒暑亦不間斷黃寶璋大夫亦在第一民立學校教授英文亦係義務均可謂熱心教育不分畛域矣

### 天主教

天主教徒自明成祖時始入中國清聖祖因定曆像聘用西人准其傳教於通商口岸設

立教堂嗣有內地傳教之約本邑當同治中始有奉天主教者其原有之教徒係從他省移來厥後乃有傳教士城內陳戴皮黃四姓城西大沙嶺閻孫高王四姓皆老教友其始有法教士到大沙嶺教友不認爲神甫恐其冒也嗣經戴姓教友由沙嶺接神甫入城寓居戴家園彼時教不甚盛外國人潛往潛來官府雖有明文保護不過視爲具文繼而大沙嶺建築天主堂始有住堂神甫又有法人谷神甫於光緒十八年在城中馬神廟前買沈姓園建築堂屋遂常住焉二十四年葉神甫來至二十六年拳匪起城內及沙嶺教堂同付一炬教士皆避去獨三七台子教堂郭教士率男婦教友二百餘人死守弗去與拳匪對持數月北京陷俄兵入城該堂之圍始解事定後郭教士入城就堂屋舊址草創數椽仍率教友禮拜擘經二十九年冬買四道街杜姓市房一所翌年遷入又逾年重修新建層樓高聳頗壯觀瞻院內設有育嬰堂養老院貧老無告與無依之嬰孩時或收養焉其傳教士終身不娶教友亦有守童貞者教士之名分較耶教牧師爲尊自稱司鐸教友行跪見禮稱之曰神甫其所傳者亦基督之道其書亦新舊約不過分門別戶教規不同

供奉聖母馬麗亞此天主教之大概情形也現在本境劉二堡勾家寨黃泥窪並有分堂傳道皆以老教友爲之信徒之數城鄉約一千五六百名不及耶教人數之多郭教士去後雜教士來繼繼之後者即現在之壽教士其在同光之間教士袒庇教徒遇教徒訟事往往代爲請託致教外人間有不得直者遂引起人民仇教之思想拳匪之禍亦半由此種因庚子議和後各國教會開傳教會議嗣後傳教士不得干預中國內政迄今二十餘年相安無事並無教案發生考其道之內容無非勉人改悔行善去惡以期靈魂得救也新約有云恩待仇敵忍耐到底是有福的又云有人要你裏衣你連外衣也給他有人打你左臉你連右臉也給他大有以德報怨唾待自乾之意雖非聖賢中道然信徒中亦鮮能實行不過陽奉陰違假信道以爲生活耳故教友相詆謔輒呼之爲吃教

### 安息會教

會爲美國人所創立他教皆以日曜日爲禮拜惟此會則以星期六爲禮拜日宣講祈禱皆於是日行之名曰基督復臨安息會至書籍亦即新舊約也各立門戶教義相同本城

現設一處在車市街路東教堂三間按月發行時兆月報另設初等女學一級其教中諸色人之薪金較耶教稍優故耶教中間有舍彼就此者其果爲道乎抑亦爲利乎不煩言而解矣惟其入教人尙在少數大約不能盛行耳

### 回教

默罕麥德之教傳自西域其教以殺敵致果爲宗旨土耳其最盛行本邑之回教皆阿刺伯人自清初迄今幾三百年城內西南隅建有清真寺樓房又曰禮拜寺戶約二百人一千六百餘名口鄉鎮劉二堡沙河小烟台古城子四處皆有禮堂以及沈旦堡佟二堡大紙房等處零星戶口不下千餘人其人性鷙好鬪頗知保種其婚喪禮俗皆與漢人不同喪葬不用棺槨其民率皆小本營生或以屠牛爲業祇因不食豬肉普通人之工商業不易靡入也其不食豬肉之原因言人人殊有謂諸肉不食爲戒律者後之教徒誤諸爲猪僅以不食豬肉爲戒律有謂猪性不潔食之生病者其教有俚語歌數句詠猪者曰兩耳遮睛不見天行走常常就泥灣言其污穢也又言食其肉者能釀成怠惰依賴性說似近

理然因其不食普通人之所食遂致教義狹隘生計簡單其首領曰回民頭公私各事項舉爲代表如漢人之村正焉屠牛者曰阿訇回民不得自己操刀其族類不與漢人結婚惟以回民爲限所以無人不親戚普通呼爲老表入教者亦限於回民漢人無與焉禮拜寺內立有清真初小學校回民子弟居多數城西劉二堡街亦立清真小學校一處費由回民自籌似漸有與漢族同化之勢惜其蔽於舊俗不知通變即有一二回籍中人識超流俗憫其錮蔽思欲矯而正之而傳者一咻者衆終莫能挽也觀繁露文集載有回籍生員尹三聘撰禮拜寺碑文可以知矣附錄其文於後

新修禮拜寺成入廟思敬羣情熙易所言王假有廟聚以正者可以觀其象矣然則即此人心之聚可不懷以法制之嚴乎衆皆伏而聽爰舉雍正七年四月七日聖諭讀之曰直省各處皆有回民居住由來已久既爲國家之編氓即爲國家之赤子朝廷一視同仁回民中出自文武拜官受爵洊登顯秩者常不乏人讀至此衆皆歡然稽首叩地曰仁之至矣又讀曰回民有禮拜寺初非作奸犯科感世誣民者比地方官吏不以

回民異視而以治衆民者治回民則賞善罰惡之令自無不行讀至此衆益欣然稽首叩地曰義之盡矣又讀曰奉旨禁宰牛隻乃勸民務農勤稼所以重惜力耕之物命聞回民頗有私自屠宰者此即居心殘忍不務本奉法之一端特此詳加誨訓爾回民當知率由禮義毋恃強陵弱毋倚智欺愚儻謂別爲一教怙惡行私則是冥頑無知甘爲異類憲典具在豈能爲爾寬假讀至此衆乃汗流浹背如怨如慕泣然出涕而不能爲一言嗚呼觀於此可知化之入人者深而民之歸善者速也吾因之有感矣古者中國之地多華戎雜居其在春秋如楚之陸渾衛之戎州魯之徐戎之類夥矣衆矣而何以不見於秦漢以還秦漢而後如晉之鮮卑魏之拓跋唐之突厥之類亦夥矣衆矣而何以不見於五代以還由是言之必其漸染華俗久而與化抑或當時別有位置如元色目之人告身爲民之類是以道一風同畛域俱泯我回民之入中國已歷數百年而往代相沿獨自爲教在朝廷聽之固爲覆載之仁在我輩安之實屬偏私之見也方今回教之住各省者衣服文字既與華同獨飲食一節有所隔闕是以婚姻不通興作難



共考之坤輿圖說有曰回回不啖豕故諸國無豕是其始亦祇以口腹嗜好或偶有避忌遂相習成風初非有關於名教各之重作述之原拘此小忌相爲彼己豈聖天子一視同仁之意乎夫縫掖章甫迹殊宋魯聖人之與時推移也易窮則變變則通通則久我輩生齒日繁而爲教所限與齊民婚姻不通興作不共資生之理日蹙實自敝之道也其何以久乎易於渙曰渙其羣於革曰革而當鄙占如斯而難以戶說惟望我輩中位致通顯識超凡庸者推千古之通義破陋習之拘墟告之吾相而奏之吾君爲國家贊畫一之治爲回民裕久遠之圖則所以被殊恩蒙寵賚者當不在尋常意計中也謹誌斯言以俟來者 查尹三聘係回籍居瀋陽此文作自何年未及詳考確中回民之錮蔽一般回教中人覩此碑文應作當頭棒喝也

### 在理教

在理教供菩薩起於明清之際明之逸民組織此教別有用意其大旨謹戒煙酒勸人立志行善有少許抄本教書又有五字真言不准道破有揭開者即謂之背教規即謂自行

除教五字之說相傳謂前清李傅相鴻章督直時軍中多有信此教者詳詢其五字真言之緣始則曰一心保大明也當鼎革時故不敢明言李令改之乃改爲觀土音菩薩而仍守秘密甚無謂矣本邑在理教現有公所四處爲在理者聚會地點西關藥王廟城南蓮花寺城北硝堡城西劉二堡教中之首領曰大爺又有催攬承辦各名稱遇有齋日則歸公所舉辦其無公所地點亦可擇日作齋屆時設宴高會燒香吃茶不置酒由首領當衆演說謂之開釋所有各費按人均攤教義極爲簡單無宗旨之可言

無爲道教附混元門

此教無甚教義內容無可考亦以持齋誦經爲事農工中間有之爲數無多城南某村向有信奉者今則已漸減少矣其人不類出世有時與人諷經穰災喪家擇日出殯或葬埋後邀其書符念咒驅祟等事名曰打掃屋子或謂爲無涯道又光緒三四年間有混元門教不知起自何人其教徒不如輩戒煙酒每日燒香禮佛此等皆無宗教之可言也洎光緒季年有自山東來者自稱爲大成教在本城西關租房傳教以孔子爲教祖故曰大

成每日振鈴宣講其書純用魯論意在標正大光明之宗旨以抵制各教惜其人未嘗聞道其所宣講往往背聖人之言而雜以他說遂致無形消滅正學不昌而後異說紛起無怪羣言淆亂也

### 日本各宗教

本境白塔車站及鞍山車站日本居留民甚夥其宗教亦隨之而來其教之名稱不一不能一一詳考有遼陽神社本願寺淨土宗興國寺金光寺高野山弘法寺禪宗布教會日蓮宗天理教曹洞宗國柱會太子教各布教所等名稱大概皆佛教性質又有基督教會一切教規教義之內容不得而知因其教只在鐵路附屬地宣傳且中國人無入教者所以無從悉考